

華海彙編  
五

3487  
4031

v.5

BERKELEY  
LIBRARY  
UNIVERSITY OF  
CALIFORNIA

五  
通  
海  
關  
記

華海彙編目錄

下編

本朝己卯士禍

附賢良科 辛巳獄 金安老構禍 仲

冤顛末

乙巳黨禍

附壁書獄 己酉獄 安翰林獄 仲

冤顛末



This image shows a blank, aged, cream-colored page, likely an endpaper or flyleaf from an old book. The page is ruled with vertical lines, creating a series of narrow columns. There are several signs of wear and age, including a small dark stain near the center and a larger dark stain near the top right corner. The page is framed by a dark border.



華海彙編卷之五

韓山李源順時和輯

己卯士禍

中廟反正時知中樞府事朴元宗密議左相慎守勤  
守勤曰廢妹夫立女壻吾所不能蓋燕山為守勤妹  
夫中廟為其壻也元宗又與守勤博博法有將有  
卒東人謂其將為宮元宗臨博故易宮以見意守勤  
推局曰我頭可斬知不可動姜龜孫亦探守勤意曰  
妹夫女壻孰親守勤遽應曰世子英明只恃此耳龜  
孫歸恐語洩疽發背死及舉義遣力士殺守勤迎

中廟即位丹慎氏為妃第三日柳洵金壽童朴元宗  
柳順汀成希顏柳子光共議啓舉義時先除慎守勤  
者欲以成大事也今守勤之女若正壺位則人心危  
疑請割恩出外再啓始允即夕慎妃出寓世祖墳  
河城尉鄭顯祖家上涕泣送之每於慕華館延詔  
時必遣御馬使觀之則妃親造白粥手捧喂之云立  
尹汝弼女為妃章敬王后也誕元子仁宗七日而  
后上賓時議以朴淑儀洪淑容皆有稍長子若丹封  
為正妃則難為元子地人皆危懼淳昌郡守金淨潭  
陽府使朴祥等疏斥元宗輩曲為自全之私敢出廢

妃之謀請復慎妃位大司諫李荇倡言若復慎妃位則章敬當居慎氏後置元子於何地指金朴為邪論大司憲權敏手從而和之擬於死罪合請拿問即致詔獄事將叵測左相鄭光弼率朝廷救解止徒配吏判安塘啓曰金淨朴祥承求言而進言反加嚴譴實杜言路請勿罪權李反駁安塘指以誤國朝野喪膽皆非權李應教李彥浩啓曰臣近為試官見一舉子對策言以臺諫請罪朴祥等為失職是儒生妄議所當下第而反取之甚不可也趙光祖初拜正言啓曰臺諫主言路而反罪言事之人其失大矣請李荇等



皆罷之。上命議大臣盡逐兩司新大司憲李長坤、大司諫金安國、右光祖、掌令柳溥、金希壽黨於彥浩之議。乃右權李詣闕各陳所懷。長坤反覆開喻，猶不得容命。適長坤、安國仍命溥等就職。廷議互相是非，直提學金安老曰：「趙光祖為言路扶植權敏手、李荇為宗社請罪，未始皆非時議。以為權李之指斥金朴為邪議，出於妬才仇善之心也。人皆牽於兩是之論。金朴久未蒙宥，李彥浩與金安老言及此事，彥浩勃然厲色曰：『其時何不殺金朴而使朝廷紛紜至此乎？』」因此安老自吏議出為慶州府尹，後金淨朴祥因

公論立于朝符罷職敏手出為忠清監司而卒彥浩  
出為全羅監司而卒於己卯後時逮己卯明良際會  
協贊文治上倚重光祖所言必從光祖亦感激殊  
遇知無不言遍引國中名士由是士志雅飭吏務廉  
白百姓男女讓路持議之士見善舉嫉惡如讎善  
流登庸於斯為盛年少新進勇於改弦不揆必世後  
仁之旨唐虞之治指日可卜論事風發太無其漸又  
嚴於斥小人南袞少有時望諸人惡其回邪每稱南  
小人擯不與交袞積懷憤憾患得失之徒陰譖陽詆  
指為清流更相標榜始有黨同伐異之說鄭光弼申

用漑安塘同在台輔欲調劑兩間而抑止之諫院舉  
三人才器長短而論劾光祖方在憲長亦被依違循  
俗之誚時寵遇諸賢每侍經筵進講引喻義理如奇  
導朴世燾梁彭孫崔山斗語言支離其他英銳之士  
失於輕率勇於果敢允所建白期於得請朝講罷於  
日昃聖體疲倦有時欠伸或徙倚龍床戛戛然有  
聲是年十一月大司憲趙光祖執義朴守紋掌令金  
麟孫持平趙光佐光一漢云李希閔大司諫李成童司諫  
俞汝霖獻納宋好智正言金鉞李阜等論丙寅反正  
時錄勲甚濫至分四等多有濫錄者利源一開人懷



貪利之心未流難防請削去猥濫者副提學金絀典  
翰鄭應應教竒遵副應教張玉校理趙佑修撰沈達  
源著作慶世仁正字金明胤及大臣六卿等皆啓之  
上不從兩司至於辭職 上引見諭以重難之意  
竟允之命收廷議南袞以贊成欲避其議求拜 陵  
祭獻官後光祖以避議面斥於上袞銜之沈貞之為  
刑判也安塘以吏判入政僚佐薦貞塘曰貞為花川  
君足矣是日 上特拜塘右相貞果為刑判即日仍  
災變貞為臺諫憚罷子思遜亦以注書駁違憤恨不  
平於是袞貞揣 上有厭意於光祖等會京外大震

上憂懼遂協謀交構貞潛通敬嬪朴氏家問安婢  
教以趙光祖專國為政人皆稱善欲立為王有如閭  
閻間無知之語傳播禁中以為宮人疑怖然後以洪  
景舟曾為贊成而為清流馭逆常懷忿恨於光祖故  
遂與潛謀使景舟教其女熙嬪以為一國人心悉歸  
趙氏以撓 上意又以甘汁書走肖為王四字於禁  
苑木葉蓋山虫好食木實之甘汁見粥實汁也果虫食成  
痕有似識文令宮人採以上聞而恐動於是宸往探  
申用漉意則用漉以片言折其奸宸厭然沮喪至十  
月用漉卒已無忌憚使景舟持諺書指為密旨乃諭

被枳諸宰以同害黨人之意則知樞安潤對以臣所  
不能權鉤辭以位卑礪城府院君宋軼病不能起其  
諺書譯曰光祖等請削靖國功臣者重其綱常也先  
除無功者然後稍存二十餘人名以擅廢燕山為罪  
則卿等為魚肉及于我矣走肖之輩姦似莽卓得一  
國之人心為百僚所瞻一朝有宋祖黃袍加身之變  
雖辭其可已乎光祖等初請賢良科者意其為得人  
也到今思之必樹羽翼也思欲剪除而卿之壻金明  
胤亦在其中是可恨也予之腹心有樂人哉光弼心  
于王室者也長坤初非如此今乃附於小兒輩未可



信也沈貞近雖被論然有才幹可信任也予之剪除  
之意勿煩他人以問於袞貞如何也柳庸謹韓忠朴  
世燾尹自任俱有武藝可畏也朝去此類夕雖死無  
虞矣頃於經筵乃曰如光祖者可合相位爵命皆出  
於此輩以我必不曰人君也徒守其器而已光祖言  
恭貌順意其可人數年之間超擢顯用予乃隨於走  
肖之術中也欲顯然罪之臺諫弘文館六曹儒生等  
盡言不可則予不能施為也不知何以處之近來食  
不知味寢不安席瘦骨稜稜予名為人君實不知也  
昔庸謹傲視于我必蓄無君之心而然也卿等先除

後聞可也袁貞乃與領中樞金鉉戶曹叅判高荆山  
及洪淑孫澍方有寧尹希仁金謹思成雲等密約期  
會而舉事之時無兵判不得號令於衛士故袁瞰兵  
判李長坤不在家三往投刺先疑其心舉事之夕以  
小牘誑而招之曰國有大事可急馳來先使景舟潛  
啓曰欲上變告近侍之臣皆其心腹事機危迫請開  
神武門乘夜入對蓋不欲使史官承旨知之也時十  
一月十五月初昏洪景舟金鉉南袁李長坤高荆山  
會于神武門外請開上命潛漏延秋門而入都摠  
管沈貞兵曹叅判成雲等自直所來會同坐于閣門

外袞則實噉成此事北門之啓袞退坐不入以布衣  
草笠破屨步至領相鄭光弼家呼門者急入告但言  
客來門者認貌入告曰有客貌是南判書短衣冠如  
賤人光弼大驚出見曰公何為來袞道其所以曰此  
輩若遺一人為害無窮上今招公公勉從不然有後  
悔光弼正色公以大宰為賤服歷都市來大可愕事  
謀害士林可忍乎袞大怒拂衣去是夜應教竒遵與  
下番沈連源直玉堂初昏承旨尹自任乘月往玉堂  
欲觀星辰歸簡儀臺俄頃政院隸來報潛漏西門宰  
相數人入闕勤政殿火光羅列軍士圍立云景舟列



名書啓曰臣景舟銓袞長坤荆山貞淑澍有寧希仁  
謹思雲等伏見趙光祖交相朋比附已者進之異已  
者斥之聲勢相依盤據權要誣上行私固有顧忌引  
誘後進詭激成習以少凌長以賤凌貴使國勢顛倒  
朝政日非在朝之臣潛懷憤歎畏其勢焰莫敢開口  
側目而行重足而立事勢至此可謂寒心請付有司  
明正其罪又使景舟啓以金謹思成雲為假承旨沈  
思順為假注書南袞為吏曹判書且陳戎器於殿陛  
欲拿致闕門而格殺之命南所直軍侍衛上出御  
思政殿景舟袞入對曰事急矣不暇鞫問請囚承政

院弘文館入直人負時政院不知此事見火光而始知之左承旨孔瑞麟右承旨尹自任注書安珽檢閱李構詣閣門外則諸宰明燭會坐尹自任進曰宰相入闕不使政院知之是果何事長坤且坐且立如欲言而不敢發注書安珽止之曰雖事急史官不可不入何敢獨入俄而內豎申順剛出召承旨成雲珽操筆追入順剛使閤人挽入珽攀雲帶入閤人打解珽手扶出之貞出執珽手曰天怒方震姑勿入少頃雲出以袖中小紙授長坤曰此御筆也此人等亟下獄承旨注書檢閱及應教奇遵修撰沈達源等先下

獄夜漏已三下矣於是先知事機書名單子諸宰皆詣閣門與衮景舟入對以可怖可愕之事大恐動貞曰事急不暇鞫問請速命宣傳官金吾郎領軍逮入闕庭撲殺之依靖亂例於是叅贊李紆刑曹判書金淨大司憲趙光祖大司成金湜副提學金絳都承旨柳仁淑左副承旨朴世燾右副承旨洪彥弼同副承旨朴薰等拿致闕下長坤始知當夜將撲殺極諫曰諱首相而不可行盜賊之事請召首相議罪景舟欲亟決將趨入長坤揮手却之曰公何若是使不得移席竟無以售其謀而上怒稍解始命名領相來光



弼入對涕泣極諫曰年少儒生不知時宜直欲引古  
施今而已豈有他意少垂寬貸請招他大臣共議淚  
與言下衣袖盡濕上遽起還內光弼引御裾叩頭  
乃命下籽等詔獄召右相安瑄光弼出坐賓廳更啓  
曰李籽非常人國家他日必大用者也只罷似當光  
祖等徒見古人之書欲效至治而其間雖或有過激  
之事不可深治也方今聖代有殺士之名則必汚青  
史請令禁府推問或罪或否仍嗟唏曰溉之若在必  
無此事溉之用溉字也是時持平李希閔李延慶弘  
文正字權檣至報漏門前淨等已拿致與具壽福相

語失色而持平遂入月華門部將拒而不納且曰持平已適矣希閔憤然嗟咄延慶入見光弼曰吾等雖已適職左右無秉筆者國家大事泯沒無傳可悶光弼令奉教趙九齡蔡世英權輒記事如舊夜已五鼓矣希閔等退出遇塘延慶進曰至此唯望大相而已世英進本館已罷職仍領相修史之言問諸樞曰當何以書國史乎光弼曰只書所見而已於是銓袞貞駢首議寫罪目傳旨光弼塘戮力伸救反覆論啓黎明先放仁淑瑞麟彥弼次放琰達源練最後放籽罷其職太學生李若水等三千餘人疏救光祖相率入

闕庭痛哭 上問哭聲来自何政院以實對傳曰事

甚驚愕場中濫入亦有其罪况於闕庭豈可輕入痛

哭乎令禁軍驅出若水尹彥直朴世豪金遂性黃李

沃等下獄翌日生負林鵬等又疏救光祖曰昨日儒

生下獄不可晏然獨免數百人待命闕外三日命放

若水等荅疏曰光祖等初意豈欲誤國事自上亦欲

觀至治近來此輩多有過激不得已罪之

尹世貞李來請誅光

祖迎合時論李沃係坊里約徒亦上章守闕反實其

獄未幾又請必殺

蜚語八人中尹自任朴薰大臣咸請免之順剛諧于

上曰成雲承命入閤門時尹自任使安珽曳出言且



不恭 上益怒曰自任有武藝尤可畏也先令衛卒  
圍於殿陛是日召南袞為政托病留命遂命領相與  
政光弼退坐賓廳熟視袞而不言袞退謂人曰鄭光  
弼之目也光弼注擬大憲柳雲副學李思鈞蓋此二  
人見輕於光祖者袞等不疑人服光弼鑑識於是雲  
及執義尹世霖掌令李謙任樞持平趙光佐申抃迫  
於救禍未及肅謝而伏閣極諫曰必復用光祖然後  
臣等可就職不然則請斬臣頭以快奸人之心初謂  
此事出於奸人密啓密啓者宗社危亡之兆也前日  
李茁密啓臺諫極言其漸而今聞自上密語洪景舟

一播人口以為人主之勢加罪一二書生亦有何難  
而昏夜之間秘密為之若是耶臣等不勝痛哭上荅  
曰當初景舟於南袞宋軼金鉉家聞有武士結黨欲  
除文士之言曰共議如是將生大變自朝廷為之為  
福於光祖等也此臺諫誤聞之言也新大諫尹希仁  
司諫吳潔獻納李忠捷正言尹溉俞炯論啓不已仁  
淑瑞麟彥弼以微服詣闕李成童亦詣請與光祖同  
就牢獄共被其罪窮日以啓典翰鄭應率僚員上劄  
辭旨懇惻巴陵君璫詣賓廳涕泣極諫且字呼長坤  
曰希剛搖尾狐鼠中同害賢良極口切責十六日

上命遣委官金鉉承旨成雲及兩司判義禁李長坤  
知義禁洪淑推鞠問趙光祖金淨金鍊金湜朴世嘉  
尹自任朴薰竒導曰汝等盤據權要誘引後生異己  
者斥之附己者進之交相朋比詭激成習以致國事  
顛倒皆不就服諸人遂連名上疏畧曰天門九重無  
由仰達一許鞠問萬死無恨先是南袞自製疏歷舉  
黨人行事巧詐黨逆之罪喉臺諫上之曰趙光祖李  
耔等二十二人分處清要出入侍從管執樞機朋黨  
周比附己者日衆及光祖下獄香徒之人環守宮城  
館學之士號哭闕庭由此譖鋒益藉光祖恐不復覩



天顏終夜號哭供曰安料國家病痛在於利源故  
欲新國脉於無窮頓無他意上命特推照律委官以  
奸黨之律擬光祖絀湜淨等以死律世燾自任薰遵  
等杖流為奴上只命光祖淨賜死餘皆杖流令都承  
旨金謹思判下謹思即於上前攘取史官筆奮然書  
之奉教蔡壽啓曰雖有罪之人國人皆曰可殺然後  
殺之此人等皆非死罪不可枉殺況不與大臣可否  
斷自為之何如也且謂謹思史筆非他人所得把還  
奪之左右肅然柳庸謹聞而壯之曰不識蔡某何狀  
乃能爾耶謹思出傳旨時日暮張燭光弼聽教捫燭

驚顧左右即請對曰小臣在朝亦久豈料今日有此  
事此人等但以愚戇不識事理以致如此若干重罪  
豈不請之乎請減死光弼淚緣白鬚交滴上怒稍  
解曰此果重事當更思之召承旨成雲教曰光祖等  
四人決杖遠方安置世燾等四人決杖遠方付處光  
弼率多官復啓曰此人等免死是天地之仁也但皆  
病弱若受杖而遠去則死於中途未可知也只恐朝  
廷得殺士之名而無減死之實請以輕律照之至於  
七啓乃命勿杖決罪都人莫不咨嗟涕泣分配光祖  
于綾州金淨于錦山絀于開寧湜于善山世燾于尚

州薰于星州自任于溫陽遵于牙山皆出處東小門  
內又命還聚八人于禁府遣雲下教曰汝等皆以  
侍從之臣上下同心期見至治汝等之心非不善也  
近來汝等處置朝廷事至為過誤使人心不平故不  
得已罪之予心亦豈安乎請罪宰相豈有私意乎汝  
等之至此者皆予不明不能先防其微若罪以律必  
不止此汝等無私心為國事故未減從輕罪之爾等  
久居經幄特用寬典汝等知之而去雲回啓曰他人  
無所言惟光祖曰臣雖此去君心豈不知乎大司  
憲李沆初以不謹父喪盜船取利為持平朴薰所劾



沆大街之及是自嶺伯承召上來數日與大司諫李  
蘋等合辭詣闕更論光祖等加罪且劾安塘崔淑生  
李籽金安國柳雲金正國趙光佐李忠捷柳庸謹申  
光漢鄭順朋鄭應韓忠崔山斗張玉李希閔李清梁  
彭孫具壽福鄭浣李延慶李若冰權碩宋好智宋好  
禮金圭復曹彥卿柳仁淑尹光齡權檣巴陵君璫詩  
山正正叔長城守儼嵩善副正漾江寧副正祺醫人  
安瓚三十六人書于單子請竄逐且請罷賢良科  
上御勤政殿延訪政府示臺諫單子及黃李沃等請  
誅光祖等疏教曰朝廷若有公論則儒生安得為此

也光弼極力伸救右相金鉉亦以為當初能治其魁  
首則其餘不必歷舉治之翌日傳于臺諫曰當初治  
其魁首則餘黨雖不治而趨向自爾正矣小人滿朝  
大關宗社大臣視若鄰家之事徘徊顧望不定是非  
此不過觀勢以彼人之被罪輕重為日後自處之計  
耳比之治木根本既斷則枝葉自悴比之治盜先治  
其首而脅從因治三公坐見朝廷莫定是非是豈體  
國之道是乃失職左遷領相鄭光弼為領中樞以  
御筆除金鉉為領相南袞為左相李惟清為右相面  
議輕重分等定罪趙光祖賜死金淨金絀金湜流絕

島朴世燾尹自任奇遵朴薰流極邊柳庸謹鄭應崔  
山斗鄭浣竄外崔淑生李籽李希閔梁彭孫李若水  
宋好智宋好禮李延慶李忠捷尹光齡趙光佐李清  
詩山正正叔江寧正祺嵩善正濊長城守儼削奪安  
塘柳雲金安國金正國罷職韓忠流絕島巴陵君璫  
安璫遠竄李長坤權撥尹衢李構金世弼亦追論鞫  
問而罷禍作日各坊里䟽頭皆決杖王子諸君請救  
者奴杖百流贖革薦科削成守琮及第以光祖湜為  
考官用私取之沆等倡言削之申光漢鄭順朋柳仁  
淑李成童具壽福權檣金匡復亦除外職或散職尋



皆免官當諸賢之囚禁府也明月滿庭相與永訣金  
淨詩曰重泉此夜長歸客空留明月照人間金絳詩  
曰埋骨白雲長已矣空餘流水向人間又曰明月長  
天夜金淨和曰嚴冬惜別時皆從容自得奇遵曾直  
玉堂夢客關外作詩曰異域江山故國同天涯垂淚  
倚孤篷頑雲漠漠關河閉古木蕭蕭城郭空野路微  
分秋草外人家遙住夕陽中孤帆萬里無回棹碧海  
茫茫信不通遵初謫牙山以逃還見母流穩城行到  
吉州道中所見如夢中景色控馬諷詠恍然省悟可  
知人事皆有前程辛巳追論逃還賜自盡趙光祖謫

綾城賜死金吾郎柳淹至光祖跪于庭請聞罪名淹  
以小紙錄示光祖曰吾在大夫之列但以小紙付都  
事殺之乎問誰為故丞沈貞今為何官淹對以實光  
祖曰然則吾死無疑又問朝廷以吾輩謂何淹曰有  
比王莽者光祖笑曰王莽則為私者即修家書又書  
其懷曰愛君如愛父天日照丹裏乃沐浴更衣淹有  
迫促意光祖歔唏曰古人有抱詔書伏哭傳舍者何  
其異也仰藥而死是日白虹繞日成世昌夢光祖如  
平日贈詩曰日落天如墨山深谷似雲君臣千載義  
惆悵一孤墳聞者悲之金淨杖配錦山聞母病請於

郡守鄭熊往省于報恩事覺安置濟州辛巳追論亡  
命賜死吟絕命辭以見志曰投絕國子作孤魂遺慈  
母子隔天倫遭斯世子隕余身乘雲氣子歷帝閭從  
屈原子高逍遙長夜冥子何時朝炯丹裏子埋草萊  
堂堂壯志子中途摧嗚呼千秋萬世子應我哀淨夫  
人乃光弼妻侄也光弼每戒君子處事當忠厚不可  
太强忤物淨曰吾不能為狡態南袞嘗往光祖家淨  
後至不知袞尚在曰南小人去乎袞勃然而去乃為  
網打計金湜杖配善山聞加罪與客縱飲大醉客謀  
曰安忍視就死於奸人之手乎僮弓音山勇健乘其



醉負行及曉乃覺已無奈何與方音山李信往靈山  
李中家中湜門徒而信本以僧還俗亦受業者也湜  
卜藏身吉凶有山人毀事之繇中曰信是山人性且  
不順不如先送湜曰不可以卜筮疑人召信語曰汝  
先往探朝報期於茂朱吳希顏家信上京告曰湜今  
在李中家使其子及門徒謀害南袁沈貞洪景舟追  
捕日急湜到居昌白巖下題詩曰日暮天含墨山空  
寺入雲君臣千載義何處有孤墳又草自鳴疏自縊金  
絛杖配開寧筆力強健慕鍾王為華人所購絕不書  
故罕傳於世

附賢良科

中宗戊寅六月傳曰為國家之務人才最先薦舉之  
策惟在宰輔苟招俊乂吐哺握髮古之良相咸以是  
為急求之有道世豈無人予之臨政願治求賢如渴  
一紀于今然而治效未著賢才或遺注擬之際每有  
乏人之歎豈不深可慨哉欲賴羣哲之輔庶臻治安  
之道咨爾政府其體予懷廣詢博訪以副予側席之  
意事下政府禮曹三公鄭光弼申用溉安塘等同議  
禮曹回啓歷代取士之法規制各異難以遍舉惟西  
漢孝廉賢良等科最為近古又其選舉之規考諸史

可見元朔元年詔郡國縣官有好文學敬長上肅政  
順御出入不悖所在令相長丞所屬二千石謹察可  
者令與計詣建武十二年詔三公光祿勳監察御史  
司隸州牧歲舉茂才四行各一人四行謂醇厚質朴  
謙遜節儉也郡國茂才偕計到京師天子臨軒親策  
選取節目詳悉備具今亦倣此才行兼備可用之人  
令京外審覈名實廣薦京中則四館專掌勿論儒生  
朝士薦報成均館轉報禮曹中樞府六曹漢城府弘  
文館亦舉所知移文禮曹外方則留鄉所報本邑守  
令守令報監司監司更加審察移文禮曹禮曹合聚



京外所薦具姓名行實報政府啓聞間有名實乖戾  
謬舉之弊亦為可慮舉主姓名并錄以憑後考何如  
依允已卯四月初十日 上御勤政殿親策之凡入  
試者一百二十人或云就其中又抄選五十八人

王若曰予以寡昧承 祖宗艱大之業夙夜孜孜惟  
不克負荷是懼上下同心期臻唐虞之治于今十有  
四載矣治效未著人心漸至澆薄民生日益困窮予  
竊痛焉究其所以必有其致可得明言其故耶伊欲  
民安物阜風俗於變復唐虞之治其道何由帝王之  
道不墜於地在乎人子大夫必有識其大者其各悉

著所蘊予將親覽焉讀券官左相申用泐大憲金淨  
對讀官吏議申光漢承旨孔瑞麟司成鄭順朋舍人  
閔壽千校理奇遵等課次試券取掌令金湜等二十  
八人蓋上應二十八宿也 傳曰古詩云濟濟多士  
文王以寧今宜廣取賢才布列朝廷可也且金湜賢  
者要得此人將為師儒之官而恐或不與其取也今  
居壯元之列予別有喜焉又 傳曰今所取之士固  
皆賢士予之尤喜者金湜為首也昨日讀券官有所  
啓而予未及答之今乃言之政院知悉將使讀券等  
聞之可也

賢良科榜一等一人進士掌令金湜字老泉壬寅生  
父叔弼清風人居京大司成是年杖配庚辰自縊號  
蒼石又號淨友堂薦目學問淵源操履守正○二等  
一人佐郎趙佑字誠仲甲辰生父永錫漢陽人居京  
校理罷科後累舉不第官結城縣監薦目操履純實  
樂於從善有學行器識○三等二十六人生員佐郎  
李延慶字長吉甲辰生父守元廣州人居京校理罷  
科後寓忠州授官不就復科又不就號灘叟薦有學  
行幹局識度才器孝行志操○生員安處謹字靜夫  
庚戌生父塘順興人居京弘文博士世稱三珠辛巳



杖殞薦目端雅明敏趨向克正有學行○進士金明胤字晦伯癸丑生父克幅光州人居京南床右贊成甲申再科千億化身薦才行志操○生負安珽字挺然甲寅生父處善順興人居京典籍翰注辛巳杖流後授縣監不就號竹窓薦有學行志操○進士安處謙字伯虛丙午生父塘學諭辛巳杖殞號虛齋薦有才器○生負權碩字君安庚戌生父柱安東人居京修撰辛巳杖殞薦目志氣勁直簡潔自守有才氣○進士申潛字元亮辛亥生父從護高靈人居京通政牧使薦治行第一書畫三絕號靈川子辛巳杖流薦

有學行才藝志操識度明敏○生負正郎鄭浣字新  
之癸巳生父湊延日人居京吏正辛巳謫卒薦性度  
堅確力於檢身孝友純薦才行卓異○進士佐郎閔  
懷賢字季思壬辰生父質驪興人居海州正言罷科  
後下鄉優遊二十餘年終號一齋薦孝友純薦且有  
才行○幼學安處誠字久叔戊申生父塘辛巳以處  
謙弟坐謫放還卒薦端正重厚操履有方薦志學問  
○進士持平朴薰字馨之甲辰生父增榮密陽人居  
京承旨是年被謫號江叟薦器局弘遠不露圭角有  
君子之量○進士金鉞字君舉丙午生父彥弘安東

人居京正言薦純厚方正有學識才行○幼學申遵  
美字士休辛亥生父援平山人居京典籍翰林復科  
後拜官不就退居公州錦江有翰林亭薦有學識才  
行○生負叅奉金神童字聖而乙巳生父礪光州人  
居京主簿翰林薦志行不苟有識量才器

乙巳復科  
拜主簿

○進士姜潏字清老壬子生父子仁晉州人居利川  
翰林典籍謝恩後還居利川薦操履端潔有學行○  
進士叅奉房貴溫字玉汝乙酉生父戒文南陽人居  
羅州正言薦溫簡厚約有學識孝行○生負柳貞字  
復元辛亥生父自恭晉州人居京典籍己亥以江陰



縣監棄歸己酉杖殞薦有識度○生負朴公達字大觀  
庚寅生父始行江陵人居江陵兵郎號江湖又號四  
休堂薦稟性醇謹孝友薦至○幼學李阜字子陵壬  
寅生父欽固城人居京正言號杏院薦有學識才行  
清修高節高於一世○進士直長金大有字天佑己  
酉生父駿孫金海人居清道正言復科不就隱雲門  
山號三足堂薦氣宇超凡識度明敏○幼學都衡字  
國銓庚子生父孟寧八莒人居星州戶郎薦恬靜薦  
孝乙巳復科拜典籍○正郎宋好智字景愚甲午生  
父子剛礪山人居京校理薦學識夙詣孝友出天恬

靜剛純經濟有餘出入臺省風采動人○生負縣監  
閔世貞字正叔辛卯生父興驪與人居青松咸鏡都  
事薦孝友薦實○直長金顥字大而甲辰生父三山  
尚州人居尚州典籍後復科薦好古尚志學行純正  
○進士慶世仁字心仲辛亥生父祥清州人居京弘  
文著作罷科後不與人接沉潜性理號敬齋薦局量  
弘遠不事浮躁有學識才行○進士李翎字汝翼父  
仁亨咸安人居晉州薦學識才行○武科壯元前內  
禁鄭璘○四月初十日 上策士後幸慕華館試初  
試百人騎萬一次五中片箭三矢取一矢取四十六

人

被薦賢良人

幼學徐敬德

參奉

柳孟達幼學李煦生負金世

寶幼學睦世稱佐郎鄭瓊進士李百祿幼學魚得漢

幼學成守琛

縣監

幼學成守琮

及弟

生負尚震領相

幼學朴紹

司諫

幼學權檣

縣監

進士李文捷承旨生

負金彭齡

正

進士金湘郡守進士元繼蔡判書

幼學

金振宗

典翰

生負金麟孫參議

進士許礪

贊成

生負

邢士保

典籍

進士趙光佐

持平

生負尹光齡

副正

學宋好禮

縣監

幼學朴遂良

縣監

幼學盧瑋

正郎

進



士李思儉監察生負奉天祥叅奉幼學崔灃縣監叅  
奉盧友明師傳睦希曾生負許礪府使都事洪士俯  
叅奉李光植都事李世蕃幼學金克讓郡守縣監崔  
祥郡守李閭進士金守道郡守師傳呂希臨叅奉金  
萬億叅奉金錫弘生負慎謙郡守判官朴璨郡守進  
士李若水幼學朴繼孝生負宋錫賢生負林末孫生  
負李宇慶進士鄭世卿生負申匡祿生負朴世勲進  
士申命和生負禹弼舜進士李世雄幼學朴斗南幼  
學文濬幼學陳騫幼學全始昌生負朴薰幼學俞汝  
舟幼學尹嘯幼學李允文生負金嵩宗生負朴以洪

進士崔弼成進士金應清進士李仁堅生負朴德孫  
進士琴元貞生負李凝仁進士孫李暉生負張應斗  
生負李蟬進士李蘭孫幼學金增幼學鄭韶生負申  
世卿生負李永祐幼學許礎幼學金仁範幼學文繪  
地生負朴蕃幼學尹居莘生負宋彌昌生負李善長  
進士呂希端進士洪騰幼學柳子房生負卞璧○已  
卯禍作後羣小以為清議之士多在薦科不可續續  
彈去喉臺諫請革其科執議柳灌啓曰初選時各舉  
所知而排之及取試日禮曹以為此人等必不入場  
屋使書吏請入安有如此寒心事乎雖有其中可用

者然無行者多叅試場之事甚不公速罷之以正欺  
君之罪正言趙琛曰首謀行此科者安塘也塘三子  
在薦中而略不避嫌塘可罪也領相鄭光弼曰初設  
此科之時臣意以為非祖宗之規又有後弊故謂不  
可行而不能止之及取之果多賢良之人故謂不可  
罷此臣意也其不公之事臣未聞也且謂安塘主之  
者不然也申用溉崔淑生力主其議安塘於其子叅  
選以為無顯行而避嫌豈為其子而設此科乎其後  
用溉亦悔之語臣曰我之初計誤矣特進官韓亨允  
曰此科初欲廣取故自 上信而從之終乃抄略其



數類皆趨附之人也其建議者皆盛氣焰張順孫曹  
繼商因言時事并斥去在朝者皆愛身而不敢言大  
臣初誤建議今知其弊而言不可罷安有如此憤痛  
事乎大憲李沆曰金湜等初非厭科之人才術淺短  
必不能及故數小抄選而試取也今不罷此科權臣  
之欲植黨者必藉此也灌曰湜全不知書承旨金希  
壽曰金湜豈為全不知書臣見其古文最難解處必  
能剖釋之修撰李芑芑弟曰改薇祖宗陰佑聖心開  
悟知其亂政而治之大臣無一為殿下子孫萬世  
之計頃者靖國功臣抄削本非大關至率百官請追

改而今此社稷大計危亡所係之事不力為之爭光  
弼曰臣迷劣不知何以則國事好矣必罷此科而後  
可乎今率百官爭之臣未料也其欲使率百官而請  
加彼人等之罪乎 聖明之世安可為此事乎後  
上教曰惟我祖宗取士之法不為不廣而其取士之  
法自有定規日者言者以為欲得明體適用之才宜  
倣古賢良孝廉等科令中外廣薦才行兼備德基成  
就者別設一科則庶可盡得實用以補予治而期修  
職業及今大臣臺諫皆曰薦科非祖宗朝制而當初  
薦舉之時頗有不公之弊策取之日亦有偏私其於

國家設科之意較其名實則大相訛謬薦舉文科則  
罷榜武科初試親臨殿試勿罷事下議政府○靖國  
初朴元宗等以姻婭請囑而叅劾者多權均高卧門  
外姜渾尹珣被拘軍門反正日入直承旨尹璋曹繼  
商李堦等見廢主窮困誑誘走出投身托命皆叅功  
籍物論鄙之 上黽勉從光祖請及禍作仍舊不削  
附辛巳獄

初安瑋有三子曰處謙處誠處謹皆有才學俱登賢  
良科世稱三珠以處謹為白眉當己卯後袁貞執國  
璫削官家居處謙痛奸凶欺蔽偶與同里詩山正正



叔權碩等語曰哀貞專擅威福俾上聾瞽若除去此輩則可以扶國勢維士林處誠以其言告塘塘驚仆地即欲上達恐復起士林之禍遂率處謙歸外鄉陰城欲使消沮先是塘父司藝敦厚年老喪耦以兄監司寬厚之婢重今為妾重今有女曰甘丁乃家畜前所生也

一云敦厚所生女

性狡黠年十四五時為不道之語

敦厚怒其有離間之漸大杖足掌折傷數指送于白川外家嫁白川人宋璘生子祀連屬天文學塘家人視祀連如親子弟出入信幸及聞處謙語自幸得計又能推卜知安家厄重遂求覓塘夫人喪吊客錄及

葬時役軍簿與其婦甥庶孽鄭瑋告處謙謀清君側  
以陷大臣袁貞銓鍛鍊成大獄詩山正誣服并處謙  
處謹權碩注書安珽被誅瑋以緣坐被刑處誠以告  
父免祀連所納書中有黃瑞卿等袞以韓忠字恕卿  
音相似遂指為忠上親鞫知其誣墮淚命保放袞  
陰使守卒矯制拉殺之翰林申潛進士李若水并杖  
流妻子皆徙極邊追論金淨奇遵更擬亡命之律并  
賜死于謫所文瑾柳仁淑柳雲鄭順朋申光漢李成  
童朴英各構罪袞等欲陷大辟如恕不及刑房承旨趙玉  
琨獨立殿陛上大言曰囚漢已盡承服如机上肉不

須問但速其吐實仁淑久飢昏迷搆捏成罪諸人皆  
罹罪妻子并徙極邊崔壽域年十九逃世無意仕宦  
已卯後嘗語其叔世節曰世事如此強仕何求因贈  
詩曰日暮滄江上天寒水自波孤舟宜早泊風浪夜  
應多辛巳冬世節為承旨謂同僚曰壽域勸我休退  
仍誦其詩忌之者言于袞銓時為祀連推官與玉琨  
并請推治壽域供曰士林不和恐生禍朝廷故語叔  
退休壽域嘗題袞畫幅曰落日下西山孤烟生遠樹  
幅巾三四人誰是輞川主袞銜之云壽域後遊者李  
達亨輩以簾歛尸權厝於空谷夜守其側夢壽域來

吟一絕曰玄室誰相訪清猿獨可親自從簾谷後遙  
憶蓋嚴人趙忞先祖族侄與處善相善祀連書記有  
其名被刑配祀連陞階折衝後塘孫玘上書訟寬伸  
雪祀連削階至是東人李潑白惟讓輩嗾塘子孫謂  
祀連之母即其前夫所生而未良者也起訟欲還賤  
趙憲疏辨斥東人一日宣廟教于刑曹曰私奴宋  
翼弼兄弟畜怨朝廷期必生事趙憲陳疏無非此人  
指囑捉囚窮推於是翼弼兄弟并竄極邊其弟翰弼  
亦能詩好譏議多怨於人也此又為當世傾軋之一  
大機關矣



附金安老構禍

金安老子禧尚孝惠公主即 仁廟之妹封延城尉

安老因其勢驟升甲申以吏判專權自恣為南家等  
所斥遠竄及因緣宮掖移配豐德陰圖復入畿伯閔  
壽千往說曰何不以己卯人調停之意交驩而沈盖  
彦慶彦光欲引己卯人而無其援安老深納之乃傾  
身納款告其妻黨正言蔡無擇倡言 東宮孤危甚  
可憂也 東宮之羽翼己卯人調停安老一起又  
使其子懇冤事下三公議得釋大憲沈彦光信其調  
停之語隨聲和附舉朝靡然從之司諫朴紹獨欲論

其奸狀許沆與安老合謀擠紹以李彥迪代之彥迪  
力言其小人情狀若得志誤國必矣彥光宣言曰彥  
迪若在安老不得入遂劾罪之安老入只赦己卯人  
生存在配者金絀朴薰以塞前言而黨人之廢錮甚  
於前日安老既得志屢起大獄壬辰東宮近地有  
灼鼠咀呪且作假像懸木牌書不道語捕可疑人鞫  
之指朴嬪所為時東宮夜火闕內驚惑世子整  
冠服坐椅上使左右侍御皆出火勢漸熾一宦挽衣  
請出而終不動中廟就寢適寤驚遑跣往東宮  
知世子不出而大厦摧折於火焰中聲如霹靂

上遂慟哭急呼世子小字曰某出某出世子始  
聞玉音而降椅出外獨鄭貴人澈姊奉世子而  
出時指為人火人言藉藉目以尹元衡而歸罪朴嬪  
母子俱謫于尚州本土賜朴嬪及福城君岬死惠順  
惠靜兩翁主朴出也廢為庶人唐城尉洪礪死杖下  
光川尉金仁慶竄外先是大憲金謹思大諫權輓等  
論左議政沈貞奸邪貪黷流江西以交結朴嬪并李  
沆賜死前是國舅尹汝弼泣謂貞曰東宮灼鼠之  
變慘矣貞遂以其說白上朴氏之禍始此世徒知  
安老成朴氏之禍而不知貞實倡之也自餘連累被

罪者甚衆鄭光弼以為涉於疑獄且 王室至親不  
可拷掠欲緩之而不能得時安老主張此事鍛鍊成  
獄因以擠陷其平昔有隙之人貞惡積罪盈雖其自  
取而以此成罪人有不服者金克福成世昌皆與安  
老同害士林而逐之又以私憾竄曹繼高金克成翌  
年癸巳又於闕內臺廳懸假像掛木片書凶悖之言  
掌令蔡無擇正言鄭從護等見之即啓以洪礪餘黨  
尚在又試前日之謀因欲發明前事此亦安老所嘆  
也 上命招三公兩司禁府堂上入對又以鄭光弼  
老成人并招 上曰今牌書字畫與前相似臺言似



然而但前者洪家奴自服我書而死則豈死者復起  
書此此與匿名書無異前則於東宮為之故驚異而  
推之今予意燒破則朝廷自靜也光弼曰大獄不可  
數興燒破之教至當人心如此大獄連起近來天變  
之多未必不由於此也領相張順孫左相韓效元右  
相金謹思含糊請自 上裁安老

禮判

曰字體不如前

書之熟與前不同也彥光曰自 上以書體之相似  
致疑甚不可也 上意如此則下人必揣度 上意  
以前獄為虛事也洪礪福城君兩翁主定罪出自  
聖裏父子之間至情所在易為搖動此必朴氏及兩

翁主家人所為欲使混淆疑前獄也鞫時漏脫者多  
物議非之大諫尚震曰他人則雖與千金豈忍書之  
乎兩翁主及僕隸勿置都下則禍自息矣無擇曰自  
上疑與前書相似臣詳見生熟頗不相似雖玉石  
俱焚必窮推乃已也安老無擇等必以為不同者以  
其前日有服我書而死者也執義金希說司諫尹豐  
亨掌令柳世麟持平安弦金亶獻納林鵬正言鄭從  
護崔輔漢等皆請窮推上不從只令懸賞購捕金  
仁慶妻從夫往配所洪礪妻令門外居住副學權輒  
直學南世健修撰洪春卿博士洪暹等劄論鄭光弼

以為屢起大獄天變由此其言至為悖理托朴氏以  
親戚交結甚密物議鄙之及權奸敗往來救護洪礪  
之獄曲為逢迎云先是安老在謫光弼屢寢其放及  
召還復裁抑安老托內旨欲割壺串牧場為田光弼  
時為司僕提調執不可曰國家牧地豈可割與勢家  
待老夫死後取之安老百計中傷乃以光弼曾為摠  
護使安 先后於不吉地請置重典減死謫金海而  
遷 陵竟受牧場安老之入也使其子禧朝夕立於  
左相李荇之門遂援進及見安老恣橫後悔之安老  
搆罪流極邊及丁酉安老有欲廢 國母之說文定

王后從父尹安仁密謀去之祕啓於妃曰安老謀不利於妃妃懼泣告上震怒即以密旨付安仁圖之會尹元老私語安老事於尹任安老聞之巧設機關為蜚語欺臺諫以為元老將謀害士林臺諫啓竄元老無何安仁令大憲梁淵大諫黃憲論啓猶懼其不濟蔡無擇從叔洛方為司諫於中學一會之日特除承旨淵等意於是大安啓論安老上歎曰危而不扶將焉用彼相哉遂引見領相尹啟輔諸臺問曰權奸竊弄大柄趨附者衆國其殆哉今欲大定是非卿等各無隱諸臣悉陳安老罪惡又論許沆許洽無



擇三凶推安老為領袖洪麟黃士佑亦為鷹犬上  
即允令宣傳官圍安老家押送配所至振威葛院賜  
死三凶并賜死苻在謫沒復官釋光弼其餘在謫者  
皆赦安老之復入也典翰趙宗敬以執義力斥之其  
黨遠罷彥光常悔恨不已臨終戒家人厚幘冒曰無  
面下見趙典翰也安老丰姿端妙終日端坐不動望  
之如冠玉渾體無摺痕但舉眼時妖態可掬福城獄  
後世子宗仁上疏曰妖孽之作雖由朴氏岨也焉得  
知之母子相踵而死洪礪亦殞杖下岨之一女棄在  
民間孩提之女亦何罪焉二妹年少女子不預其事

亦明矣由臣一身兄弟之變至於如此此臣恒懷痛悼者也今臣侍居東宮天寵極矣而二姊一侄尚班下賤反躬思之顏厚有怙怙前此微達此意未蒙允俞更瀆聖聽上感其言復其爵立其後中外讀疏者徃徃泣下○文忠公李恒福少時肄業一空舍隣居少女日來仰視一日大雨恒福獨坐女復來恒福恠問之曰兒本巫人有所憑神欲謁至夜雨止月微明女曰神至矣有少年貌玉雪眉目如畫藍袍紅帶冉冉而來恒福冠服迎揖曰幽顯路殊何為欲見神噓唏曰我王子福城君也抱冤泉壤欲聞世間公議

而凡人無能接我者公雖年少他日大貴氣魄能相接其言足徵信故願承一言恒福曰伸雪久矣豈不聞乎神曰因祭告知之然此特出於親親之意所欲聞者公議恒福具道世人哀其冤神泣曰信然者九死何憾仍令巫進果數品辭去送數步而滅恒福以近誕妄不言北謫時始為李安訥言之

黨籍廢錮人 己卯辛巳

大憲趙光祖孝直靜庵文正公 刑判金淨元冲冲

庵文貞公 大成金湜老泉 應教奇遵敬仲服齋

水使韓忠恕卿松齋 左相安瑭彥寶貞愍公

持平趙光佐李良 猿亭崔壽城可鎮 詩山正正

叔 學諭安處善 弘博安處謹 吏正李忠達

修撰權碩等以上死○領相鄭光弼士勛文翼公

判義禁李長坤希剛鶴臯 承旨朴薰馨之江叟

左贊成崔淑生子直盡齋 檢閱安珽挺然竹窓

承旨金絳大菜自庵 承旨尹自任仲耕 左贊成

金安國國卿慕齋 叅判金世弼公碩十清軒 巴

陵君傲 縣監崔雲雲之 都事盧瑋 叅判朴英

子實松堂 承旨朴世燾而晦 佐郎房貴溫 北

兵使柳庸謹圭復 翰林姜滄清老 縣監朴遂良



君舉三可亭 翰林申潛元亮靈川子 校理梁彭

孫大春 檢詳張玉子剛 大憲柳雲從龍 監司

文瑾士輝 正言金大有天佑三足堂 吏佐具壽

福伯凝睡齋 新齋崔山斗景仰 檢閱李搆成之

叅贊李紆次野陰厓 檢閱蔡世英英之 吏佐

尹溉汝玉 翰林金神童望而 玄軒睦世稱公達

刑佐尹光齡彥叟懶隱 吏佐沈達源子容 奉

天祥祥之 盧友明君亮信古堂 承旨申光漢漢

之企齋 禮曹叅判許伯琦汝珎浩齋 舍人李清

李雅 典翰鄭應應之 弘博安處順順之思齋堂

弘博權檣濟甫 吏佐曹彥卿國老 吏佐吳希

顏景愚 節孝成守琮叔玉削科靜庵畏友 全都

金光復克己 叅判李允儉子文 吏正鄭浣新之

吏判申錦大用文節公 承旨孔瑞麟希聖 聽

松成守琛仲玉 校理趙祐誠仲 持平李延慶長

吉 正言閔懷賢李思 進士申命仁榮仲風流狂

客 正言金鉞君舉 翰林申遵美士休 連源察

訪金泰巖卓爾希庵 刑叅金正國國弼思齋 副

提學李思鈞重問 求禮宋好禮直之 禮曹叅判

崔命昌汝慎松石 名醫安瓚 掌令李英符應瑞

翰林李弘幹大立

洪奉世浩南

金胤宗繼志

金海府使河挺

武人李中而強

都承旨鄭忠

楨國幹

文佐郎高雲彥龍

司諫朴紹彥胄治川

崇善副正湲宗之

李若水止源

典籍金琬子

修

都事申忤樂翁以上或竄配或削職或追奪

已卯鄉約人伸冤疏頭

典醫監前御醫李誠倭學訓導鄭哲賢李世孫樂工

宋冀忠贊衛鄭義孫朴自逸安宗福各決杖書吏崔

仁碩李仲進各決杖一百弘文館奴鶴年與巴陵同

議請王子諸君欲詣闕伸救決杖贖流

狐蜮諸公領相南衣士華號止亭早以文藻名重一  
世而士流見其不實處多短之金淨儒生時衣為直  
提學嘗於友人家遇淨大醉吐茵而卧見衣不為禮  
主人盛起蓬髮而坐瞪目曰何物小子來醒我夢衣  
起敬曰聞措大名常如卷中人幸得拜吾得輞川圖  
願得佳章淨醉墨揮洒曰江南無樂地夜裡夢逍遙  
自買花村酒分明過此橋蓋指有人荷酒壺渡橋者  
衣諷詠稱善內實自愧如洪彥忠朴闇李荇交厚而  
衣心不悅故諸人亦不以誠心許之諸人遊衣家北  
泉石衣則未覺也諸人題其巖曰大隱溪曰萬里以



其鞅掌名途有山而不見嘲之崔溥每稱小人才家  
嘗居憂因文士文瑞龜金公著朴耕言柳子光構成  
戊午獄盡殲士類使廢主縱嗜殺戮不如除去子光  
少伸地下之冤衮將瑞龜變服入闕上變獄成升嘉  
善臺諫劾其告變出於要功以是士林賤之不許文  
衡安塘言自古才行兼備者少若衮之詞藻不可棄  
也遂傳文衡衮一喜一憾古無主文硯衮為大硯傳  
于李荇以為斯文傳心也衮欲改心趨附士類而擯  
不與心常怏怏己卯與沈貞謀起士禍拜吏判不進  
以微服自稱南書房往鄭光弼家被責而歸密錄三

十五人上之請并竄逐且請委諸言官而終不出有  
若不自當者衮平生無顯過獨此事為鬼賊所不為  
嘗問族生曰人謂我何生曰不免小人衮咄咄不已  
己卯後年少輩聚不逞之徒以清君側為名相繼而  
起就戮猶不止衮日夜憂懼數易其處雖家人不能  
知如林甫之徙床云金正國言衮之擠士類欲殺其  
勢罷斥而已初無殺害之意而恐言不見聽故張皇  
其罪末乃處分極重自己設竄不能旋自救止常自  
悔尤每獨坐口語以手擊欄慨恨之色現於外臨死  
痛哭焚其稿曰人孰觀我詩文戊辰追奪只有庶子

其外孫礪城尉宋寅云家嘗著柳子光傳於其士禍  
模寫如畫有人題詩曰畢竟肝胆誰得似不知身作  
傳中人○左相沈貞字貞之言貌巧黠作態媚嫵不  
忍正視叅靖國功封花川君嘗判秋曹獄訟不究曲  
直惟務剖決以囹圄空虛將上告有捕告禁肉貞曰  
鹿肉恰似老牛肉吏承其意以鹿肉為報啓曰民蒙  
聖化幾於刑措命賜酒其同上多類此趙光祖在  
龍仁焚黃地大震光祖曰今日沈貞必判秋曹果為  
之而仍災彈違以此舍之遂搆黨禍末年構逍遙亭  
於陽川渡口題詩曰青春扶社稷白首卧江湖有人

抹扶卧字改以危汚字人快之朴祥題曰落葉藏秋  
聲斜陽映半山貞知其譏已拔去子思遜以直提學  
為滿浦僉使為野人所殺時鍾樓有誦書斥金安老  
等罪惡語不道議者謂貞之子承旨思順所為搜其  
家書籍以憑筆跡其冊背有登南山放糞詩曰一聲  
雷雨掀天地香滿長安百萬家上見而怒之刑死  
獄中貞之報惡云貞有弟義字義之能文章吏郎號  
大觀齋與花潭友善性不慧沉滯不達見貞家鼠竇  
曰此兄他日來出而不可得者及貞誅哭曰鼠竇在  
彼兄何去乎以癡自處沉晦免禍雖有王掾之譏而



人以為其愚不可及嘗以學官考試泮宮賦以畫二  
牛為題試券皆不工義暗地一揮而付吏曰汝有所  
知與之一儒生書納諸考官擊節曰此場屋安得有  
此作義欣然曰此吾作也考官絕倒貞雖猜疑賊害  
其友愛天至嘗與南衮密議義排窓入曰兩小人議  
何事衮大怒貞怡然曰吾弟素癡公恕之一日義晨  
寤泣曰夢見父母曰汝小子吾甚念之某田某奴吾  
欲與汝而未及而死吾是以悲耳貞大感曰父母念  
汝至矣吾何愛是物不慰地下之靈乎即作券與之  
貞後知其詐欲試其意亦晨寤佯悲曰夢見父母言

某田某奴欲付汝而未果義曰春夢何可盡信貞大  
笑而已○贊成洪景舟自頌功勞於中廟冀其受  
報而竟不得爵祿壬午先死其女熙嬪二子錦原鳳  
城皆絕嗣○金銓領相己卯之獄人言袞貞之為而  
不知其成於銓非銓雖袞貞之奸難以托朝廷而成  
之云○叅判李蘋字國馨沈思順妻父也性偏一剛  
愎安塘使京蘋充檢察官未嘗一日與語云為袞貞  
鷹犬無所不至疽發肩胛滿背潰爛三月而死無子  
姓○贊成李沆字士浩少有才名及拜兵判賂門大  
開時人語曰自從李沆判兵部僉使萬戶徧日高後

受朴雲

元宗子

財寶授雲鷹師事覺減死配辛卯與貞

同死○監司成雲以兵判為沈彥光所逐出按嶺南

一日晝魘失魂奇恠異形之鬼無頭面四體者森列

左右驚惑謔語合眼不得視者十餘日而死○大憲

蔡忱○叅判趙琛四五年內相繼淪亡金克福廢錮

死是或因安老之報私怨而危害人固寵者不過十

年或不能善終則以片時之榮流臭萬年豈非小人

之監戒乎黃李沃尹世貞李來之流不可悉記李信

樂安官奴逃役為僧還俗告金湜所在搆陷成獄士

類多殲終以賊馬見殺○金安老字頤叔號希樂堂

少遊關東夢神人吟曰春融禹甸山川外琴奏虞庭  
鳥獸間仍言此汝得路之語明年燕山庭試出律詩  
六篇中有春日梨園弟子沈香亭閑閱譜之題押寒  
字乃書呈其句考官姜渾稱賞為壯元金正國曰此  
鬼語也安老竄逐復入也李荇之力居多及行肯臆  
見安老切責之又安老黨謂荇曰東宮孤單瀕叔為  
羽翼不可動搖荇曰在朝之臣孰不為東宮死者  
朝廷只有一安老乎及見安老著遺愚文曰小人情  
狀在是同鄭光弼陳其奸邪安老喉臺諫逐之承旨  
閔世良嘗往繞送壻之家適與附會安老者連席見



夏日正臨避席曰可謂當陽矣其人即漏之世良乞  
外為石城安老嗾敬差官全公幹首劾世良披文書  
得二紙一則五斗米五束魚送于金乞獻者一則藥  
果一積送于沈順經者也乞獻以少時交謫在連山  
順經以妻祖父年過八十乃以罪人私饋拿詔獄杖  
流上寵待安老家有小禮必宣醞時安老子禔娶  
婦日晚而內醞不宣安老心恠之俄而金吾郎捕安  
老賓客蒼黃踰垣而走安老令禔往曰過今日誰與  
我為婚禔號醉隱嘗諫安老云安老誅告廟陳賀梁  
大淵等論賞安老嘗推命於燕都曰四數相逢大鼎

器赤虎當歲及第名赤鷄月馬白猪日葛藤達原向  
鼠驚第一句言居台鼎也第二句言丙寅年登科也  
第三句言丁酉十月庚午也第四句言終於葛院也  
向鼠驚者其時賜藥都事甲子生者也又嘗推命於  
中國則卜者曰始於葛終於葛莫知所指一日步行  
路中有野葛亘於路手引而去之草林間有痛楚之  
聲見白骨為葛所纏而引葛搖動所以有痛楚之聲  
也安老解衣裹瘡夢有人來謝曰吾湖南人客死於  
路棄草間已百年君能哀而瘞之義士也後必有陰  
報果大顯竟死於葛院卜說果驗安老掌銓時一武

人以銀鑄成一童子刻其姓名于腹上乘昏袖往安  
老家從厠穴納之安老適如厠見而驚喜觀其刻名  
感而欲報之後武人通名進謁安老忘之迨然接遇  
武人遂巡微告曰小人之名厠間艮伊氏詳識矣安  
老改容款遇曰何不早告因問艮伊氏有弟子武人  
伏而對曰其父當次第產矣安老笑而頷之○蔡無  
擇仁川君壽之孫許沆忠貞公琮孫滄蒸其婦翁有  
子之妾至生穢息并許洽為三凶黨附安老淫刑峻  
法以待異己之人至粉祀縋髡亦被其毒一國惴息  
重足有人題葛院曰羣小滿朝誣太平此身端合早



歸耕愛君不能輕休退苦受蚊蠅癢裡鳴指羣小而  
題也沆力圖安老之子祺銓卽時洪暹為吏曹正卽  
不從語多觸沆暹又乘醉見吏叅許洽沆兄也語  
間頗侵安老且曰秦檜傳不可不使見之洽亟止之  
曰正卽醉矣何言之率爾也公大醉速還家暹曰欲  
見季令公大憲洽愕然曰老夫忝公堂上醉而來見  
猶可也與吾弟既無分且是法官之長不可失禮也  
呼暹下隸戒直還洽使人探之果至沆家洽曰吾過  
也恨不使吾隸勒還其家大禍將起急馳往沆家問  
曰洪正卽大醉有何言耶沆曰顏如白玉何醉但無



言洽曰其實大醉雖有所言何足與較沆不荅夜抵  
安老家翌朝獨啓鞫之遲一日受一百二十棍氣息  
奄奄將絕乃流海濱遲方未出獄骨節盡碎呼吸不  
出謂已死置墻下覆以草席羣鴉下瞰引頸而飛遲  
昏昏似睡忽呼妾官者三判府事以下奔趨遲開目  
視之暗謂寧有是耶遲行到錦江有赴舉一少年曰  
洪遲士流今杖流必小人得志吾輩應舉安用盍相  
回鞭乎問其人乃林亨秀也後三十年遲入相以妾  
官坐禁府其時執杖者尚在云○吏判黃士佑附安  
老依阿取容位卿宰貪濁甲于一時受賂賣官以肥

其家堂前別起馬廐昏啓廐門及朝點視則駿馬之  
題柱題名者日不下五六○安老構新堂於東湖扁  
曰保樂堂申光漢題曰聞說華堂結構新綠窓丹檻  
映湖濱江山亦入陶甄手月笛還宜錦繡人進退有  
憂公保樂行藏無意我全真風光點檢須閑熟更與  
何人作上賓全篇譏諷而安老終不敢害蔡無逸安  
老妻侄屢言其失安老銜之無逸治經有聲安老恐  
登第密使密使無擇往試之無逸不悟應口誦無礙  
安老大惡之喉臺諫指為陳宇黨而錮之安老敗登  
科早卒先是陳宇在上庠言時政得失忤安老意以

誹謗論死其同年友李悌胤言于太學曰今日陳壯  
元死誰能從我錢皆不能悌胤獨持壺酒飲字於市  
痛哭而別字臨刑贈乳夫詩曰漠漠蒼天不我明浮  
雲終日蔽吾生肖中所抱誰能識徒作清朝冤鬼名  
一說安老實不知字死安老大驚曰吾儕難保矣禮  
曹叅議任權白曰安老在朝小人無狀者黨而為惡  
固其宜也 殿下亦黨此使縱其惡何也 上曰予  
不得辭其責大哉王言左贊成洪淑嘗斥安老不可  
用安老肆加齟齬左遷淑判尹必欲中危禍釀成誣  
盜獄時遂萋菲疑似黜淑鄉外流其子叙疇舍人丁

煥道觸臺官罵曰爾輩不効大臣欲治犯馬客耶由是忤安老蹉跎以歿翰林羅漢聞鍾樓掛書刺安老專權誤國狀書諸策安老見之曰誰所書也漢正色曰秉筆者誰不書安老怒罷之未幾卒故免禍

伸冤顛末

十五年庚辰九月叅判金世弼以特進官進曰趙光祖豈有奸心但學問未成故至於誤國 殿下始則尊寵一朝賜死不免於偏一之歸伏願勇改前愆金銓南袞等請治世弼妄言之罪 上曰豈可以講說罪人乎大憲洪淑大諫趙邦彥等請鞫黜之而卒三



十九年春三月叅贊官宋世珩言己卯人過激誤事  
非其本心光祖最賢者其臨死詩云愛君如愛父憂  
國如憂家白日臨下土昭昭照丹衷所守可徵於此  
而尚未復官士林痛惜 上首肯良久 仁宗嗣位  
乙巳四月太學生朴謹元等疏請趙光祖等給牒大  
憲宋麟壽等又請復官復科 上曰豈不知其公論  
而我 父王稱其無罪終不施恩以是不能遽從也  
先是 中宗違豫時 上屢請疏釋而未承俞音故  
章甫搢紳之疏輒示難慎之意盖有待也六月 仁  
廟大漸傳于大臣曰趙光祖金淨奇遵等復職及復

賢良科事予謂先王時事可從容為之今予病如此不可不為光祖等復職賢良科亦還給可也明廟即位一從遺旨時薦科罷削已三十七年存者十四人而罷科金明胤登第餘或補外官閑住者十一人大臣請直叙六品以李阜為兵曹佐郎金大有柳貞金顥安珽為典籍金神童金鉞為宗簿大有申遵美李延慶不就十月文定垂簾時尹元衡以為尹任欲收人心矯命復科遂嗾右相李芑啓曰已卯之人徒以已所知為賢良此甚不正之科不可用也

中廟所罷仁廟雖命復之亦不可請罷其科其實

忤 仁廟也命議大臣領相尹仁鏡曰柳仁淑等常  
時有言賢良科可速啓復之臣以為 中廟所罷雖  
或未便或有疑之其後又出凶徒之供臣嘗與李苞  
議及於此不能無疑請罷之允當 傳曰賢良科如  
啓罷之其中可用者仍用事下吏曹嘗夜對承旨許  
曄經筵官李遴尹根壽入侍曄言趙光祖以正士為  
小人所陷而死 上當察其無罪也根壽後以進啓  
上不荅翌日兩司劾曄好生議論眩亂是非違之  
根壽亦斥除果川縣監 宣廟戊辰夕講 上曰頃  
者朝議追贈趙光祖其人學問行事何如李滉曰光

祖天稟秀異早有志於性理之學 中廟求治如渴

光祖自以為不世之遇與金淨金湜奇遵韓忠等協力同心大有更張但其時士類急於致治舊臣之見擯者失職怏怏構成同極之禍至今士林有志於學行者則惡之者輒指為己卯之類人心畏禍士風大壞職此故也 上又問近日侍臣皆言南袞之奸邪者何也湜曰陷害光祖以構成己卯士林之禍承旨金啓歷陳綱打事狀於是大憲金貴榮大諫姜士尚副學盧守慎等交章請削南袞官爵左相權轍右相洪暹收議後削奪正其罪於五十年之後贈光祖爵



謚復薦科 教曰己卯薦科殿前試取名義甚重而  
羣小欲據宿怨指為不公而罷之奸情難掩公論自  
激 仁廟末年特復其科乙巳奸臣媚嫉善人又建  
私議而革罷士林久懷憤惋今削南臺官職以正其  
凶惡害善之罪是非已定此科猶且未復極為未安  
復科事下吏曹後光祖從祀文廟世傳光祖之學得  
於金宏弼宏弼得於金宗直宗直得於其父叔滋叔  
滋得於吉再吉再得於鄭夢周蓋淵源有自其後光  
祖傳於成守琛守琛傳於其子渾云聞光祖之學而  
集大成者李滉滉傳於李珥珥傳於金長生長生傳

於其子集集傳於宋浚吉宋時烈時烈傳於權尚夏  
○奇大升白于筵中曰李穡聚士教之故忠臣義士  
多出其門鄭夢周非全學於穡而亦以獎勸興起而  
成矣 上曰李穡善人耶大升曰穡少時擢制科仕  
元才高學博文章甚高高麗將亡流竄在外 太祖  
即位召見禮遇使之仕不屈而死但高麗崇佛故凡  
寺宇之記佛經之序多出其手儒者以此短之於儒  
者之學所見多而教誨之事甚有功力實東方學問  
之源也

乙巳黨禍

中宗末年尹任以章敬王后之兄仁廟之舅登  
武科官至左贊成尹元衡乃文定王后之弟也為  
人凶狡樂禍雖踐華要而見棄於清議銓郎中書之  
薦皆不得參焉任但無識見而已故士類多與任不  
與元衡當時躁進之輩各有所主互相詆排任曰元  
衡必傾東宮元衡曰任托以保護東宮固結安  
老為心腹及安老敗多畜刺客謀危國母及大君  
熒惑慈殿聞及中廟亦頗信之至撫大君流涕  
曰汝若為公主有何難保仁廟由是憂歎成疾云  
於是大小尹之說盛行闕內戊申年中廟忽降內

禪之命

仁廟涕泣固辭乃止己亥

東宮之火藉

藉指為人火大諫李霖等劄曰褻昵之漸易至凌騰  
忌克之謀終成厲階辭語太露識者憂之

仁廟即

位朝野望治左相柳灌吏判柳仁淑援引名流抑制  
鎮定羣小爭附元衡以李芑為兵判灌謂贓吏之壻  
不可授此職及芑駁遠仍駙馬韓景祿潛通大內往  
來密簡誤傳仁淑仁淑播其語於士林芑怨灌仁淑  
磨牙俟隙

仁廟初擢元衡叅判盖以慰

慈殿之

心也大憲宋麟壽劾奪嘉善資長慮者憂其已甚時

仁廟大漸舍人權轍詣任所在則任在大明殿脫



團領卧寢悚然而退鄭礪與內醫入診則上候奄  
奄獨任子興仁一人在側扶腋而坐人皆駭視以為  
大禍不遠元衡圖竊國柄而上臨御奸不得售嘗  
於木覓山神祠焚香祈祝語極其兇慘宮中又為木  
偶人行壓勝之術其弟元老尤為邪毒相與譖間  
兩宮必欲生禍林百齡與任爭妓憤惋同元衡謀除  
任等及乙巳七月仁宗上賓明宗冲年嗣位  
文定垂簾芑百齡鄭順朋許磁陳復昌附會元衡密  
遣元衡妖妾於大內請下密旨且宣言大行大漸  
日任自思不全不顧戴介弟欲援立桂林而灌仁淑

助之 文定愈疑惑會進士安世遇與任妻為再從  
親嘗被駙馬選而志在功名固辭終蹉跎榮途欲附  
元衡以圖宦達乃誘任婢毛獐投納云常出入大內  
通諺書者也先是有拾得紬囊盛諺簡於闕庭者其  
書略曰近日國事漸至殊常不知死所日夜涕泣判  
書亦悶其如此欲移大位於公友處丞相處已通昨  
日下教之事勢難為之前日啓達之事請速為之如  
是遲留則終致曖昧而死者不知其幾人也前日竄  
元老時并罪元衡則人心之分岐必不至如此矣判  
書指柳仁淑丞相指灌公友指鳳城君崟字也元老

嘗遠竄其書認為任通于恭懿殿而遺之道中此乃  
元衡輩欲誣任等為謀逆造其書故遺闕庭而獲納  
以動 文定也初 明廟以大君紹統元衡欲乘時  
搆禍乃與芑順朋百齡磁金光準等造語曰任等欲  
謀反廢 上將立桂林君瑠且憚鳳城君岵之賢亦  
指以為奸臣推戴且以為恭懿大妃陰主其謀 文  
定信之乃於八月二十一日下密旨於禮曹叅議尹  
元衡乃罪尹任柳灌柳仁淑等事也元衡以大憲閔  
齊仁恠恟易惑大諫金光準陰賊害物啗以厚利齊  
仁光準乃倡會于中學發議欲罪灌等曰密旨內降

宮中怛懼雖知諸人之寃揆以時勢不容但已執義  
宋希奎掌令鄭希登李彥忱持平金儲閔起文司諫  
朴光佑獻納白仁傑正言金鸞祥柳希春等以為當  
主少國危之時奸細之徒胥動浮言若仍此而論刻  
大臣則正落其術中決不可為也金儲攘臂勃然曰  
此非特為尹任發也忠賢魚肉其基於此己卯之禍  
言之酸鼻子又踵哀貞所為乎希奎曰我雖寸剉吾  
骨有不從也光佑希登仁傑鸞祥聲色俱厲彥忱起  
文惟仰天太息希春言之尤痛切先是百齡聞希春  
言責之任以簡招之語以密旨曰 中宗嘗欲易世



子二柳等陰沮之到今多有不安之跡且上意嚴切若順之則芬華逆之則薶粉君獨不為老親地乎希春勃然無一語而起至是齊仁等懇乞而光佑等不從百齡心胆俱墜蓋時新經己卯諸臺無一人應者也齊仁光準詣闕啓曰同僚立異臣竊大駭邪黨憂事不濟元衡乃與知樞鄭順朋兵判李芑戶判林百齡工判許磁等夜會光化門外乃二十二日也啓曰國有大事請面對大妃御忠順堂南向上御窓外小東南向召領府事洪彥弼領議政尹仁鏡左贊成李彥迪兵判權撥左叅贊丁玉亨右叅贊申光

漢禮判尹既判尹尹思翼大憲閔齊仁大諫金光準  
都承旨宋麟壽史官趙璞注書安喆入侍順朋芭等  
進曰刑曹判書尹任自 中宗朝素畜異志到今多  
有不自安之心左議政柳灌判書柳仁淑等亦有形  
跡齊仁光準方欲論劾而為下僚所沮臣等居宰列  
不得不啓請收議處之 上曰此駭愕之事也 大  
妃曰任之玄謀自 先朝已著通於內間多有變故  
予因知所措長為流涕今公論遂發此實天地宗社  
默佑而然也任於丁酉年締結金安老謀危 國母  
之狀已見於許垌推案儒生疏中而 中宗罪安老

許沆蔡無擇之時并欲罪之而為 東宮未果反陞  
一品予厚待如一家欲令凶謀自消以申秀經之子  
為駙馬時初欲取任孫而任邈然不應其陰懷凶慘  
為他日肆毒之計可知近者益稔禍心潛結宰相又  
通內間情跡昭著朝廷當知為宗社之賊而大定其  
罪 考弼曰任可竄仁淑可罷灌可遠順朋曰任初以  
扶護 東宮為名而臣民皆戴 東宮豈別有扶護  
之事乎 仁宗傳位于 上事順言正人無他意任  
自生疑畏益存形跡灌仁淑亦發於公論須分輕重  
罪之然後人心定矣 彥迪曰事必光明正大不然恐

有士林之禍任久存形跡只可遠竄 大妃曰卿言固然不欲傷人是予本意生禍士林非所疑也撥曰任若有邪心死無足惜刑罰過中心不服當此初政不可以威刑鎮人心又曰三人雖不足惜恐有士林之禍 大妃曰但除首謀數人而已豈禍及士林撥出貽書元衡曰古人云吾不西行大禍不止此豈公高卧時耶願公力疾強起扶顛持危自古未有國破而家不亡者也時元衡不出陰搆此禍故撥貽書冀其或緩禍機乃命任絕島安置灌仁淑中道付處大憲許磁大諫羅世績等論灌等謀危宗社罪之為



過重仁鏡及芑等亦啓其罪名過重順明大怒上疏  
略曰竊聞臺諫以察旨為不正各自退散厥後邪議  
并起權撥以帷幄重臣曲為伸救人臣無將王法不  
赦況其凶謀已著于尹任往在丁酉年間黨附三玄  
欲害國母其計若得售則未有母廢子全之理也  
仁廟孝友出天兄弟之間小無間隙而任倡為不  
道之言使上下不安及賓天之後自生疑懼陰結  
大臣以圖不軌原其情狀死有餘罪雖曰先后至  
親勢不可容貸柳灌以顧命大臣當危疑之際不思  
輔導曲從尹任之言使殿下孤立無依嗣位之日

與首相語曰當立何人 中廟嫡子唯我 殿下

人而 仁廟遺教亦曰慶源大君可付後事則灌欲

更立何人柳仁淑連姻任家締結已久 殿下即位

之日招潛邸時師傅問 殿下之賢否設若不賢欲

將何為李彥迪入侍經筵而退見仁淑言 殿下英

明特異則仁淑默然不荅不悅之色見於面目謂

上有眼疾口發不可道之言罪惡亦大得保首領亦

已足矣七月以後太白晝見陰虹抱日此皆君弱臣

強之象議罪之後天始開霽則人心難誣而撥反以

一日之雨為罪三人之應臣竊惑焉嗣服之日一二

下官李霖承受此人等指揮生殺之權不欲歸於

慈殿公然倡說此亦凶謀之一端也 慈殿教曰如

此危疑之際順朋為國忘身真節義士也時希奎等

引嫌啓曰三人雖有可論之事當此主少國危之時

奸細之徒論啓大臣適以陷奸計而增士禍希奎大

言曰尹元衡主張密旨眩惑人聽今日暮明將劾此

奸諸人皆退白仁傑獨遲留啓曰尹任等事當議院

相處之而內降密旨于尹元衡使數三宰相直啓定

罪罪竄遠差無傳旨辭緣不得出於光明正大請元

衡推考閱齊仁等聞密旨之下奔走於宰相家有同

傳令軍卒請并違答曰密旨事於宗社迫不得已也  
傳曰白仁傑托以正大庇護逆賊先罷囚禁府希奎  
等罷職仁傑仍臺啓放送權撥啓大臣放逐罪不分  
明李彥迪慮促禍使削去尤切直之言撥扼膝歎曰  
刪沒如此不如不為時 慈殿同 上復御忠順堂  
召諸大臣論任彥迪弼曰請斟酌處之以示好生  
之德 大妃曰幼冲在位此正危亡之機 睿宗朝  
南怡謀逆雖 國喪親鞠至用烙刑是係國事輕重  
好生之德予豈不念哉大抵治小人如治斷蛇他日  
若復煽亂則宗社之危亡立至卿等其退去予當決



之傳曰尹任包藏禍心謀害宮闈情跡彰著 東宮  
失火造為浮言原其情罪在法因赦第以 先后至  
親遽用全律予心不安只從寬典以示予不忍之意  
安置南海傳曰任本以凶慝之資久憑城社之勢始  
結三凶圖戕 國母東宮失火多發不道之言熒惑  
羣聽積成凶釁恒懷不安之心曲為保全之計締結  
權臣欲行宵臆謀危社稷情跡發露依律賜死至忠  
州死傳曰柳灌素與尹任更相交結當 大行大漸  
之時正統自有所歸而灌曰稟定當立孤嗣服之後  
聽政自有舊例而灌曰 母后不可臨朝是陰懷異

志謀濟已私罪關宗社在法因赦賜死傳曰仁淑連  
姻尹任助成陰謀內蓄患失之心以孤之立為不利  
於已潛招師傅問予之昏明指予為有病人或說予  
賢明則顯有不悅之色是皆陰懷異志謀濟已欲賜  
死九月京畿監司金明胤詣政院出囊中封書密啓  
院相李彥迪與承旨承傳色辟人坼視書曰桂林君  
瑠任三寸任所倚而為立謀者瑠必與知事已彰著  
瑠之思所以自脫者必無所不至而不逞之徒藉此  
不軌者其勢必然請速為善處鳳城坑臣亡妻切親  
年尚稚弱無計慮而或有稱美者當危疑之際貪功

樂禍之輩藉此為亂階者未保其無也宜并處置臣  
世受國恩為國長慮云云傳曰為國啓之真忠臣  
也於是設鞠慶會南門逮尹任妾及女奴毛獬從伊  
頓一玉梅香鄭淑儀婢內隱難任壻注書李德應方  
其被逮也使其兄文應問計於百齡百齡知德應恟  
弱易誘乃誑曰若指尹任等為逆則非徒免禍亦且  
策勲承旨宋世珩泣誘曰汝盡告尹任凶謀則可生  
德應信之巧飾誣供無一言著署及結案時大驚安  
世遇曰任之陰謀內隱難知之使為證左又教誘玉  
梅香等供曰瑠來任家任坐庭中謂瑠曰汝當立矣

從伊則曰七月初三日任謂其子興義曰欲立鳳城  
君興義供曰 仁宗大漸時父任言鳳城若問安入  
來即使傳位則孰能禦之時瑠已逃下書大索兎山  
縣監李坎男捕瑠奴跟尋抵安邊黃龍山中削髮為  
僧作土室以居就捕據諸招問瑠至壓膝不服用烙  
刑極慘毒瑠不堪苦欲誣服速死而不得其說推官  
教之乃曰尹任語臣曰主上有眼疾何以聽政欲封  
為上王鳳城及汝中當立其立謀節次則柳灌柳仁  
淑皆當權宰相可以謀于朝廷而為之云命輟之朴  
光佑郭珣鄭希登鄭侑辭連杖死時李彥迪為推官



珣仰視歎曰安知吾輩死於復古

字彥迪

之手也彥迪

後悔稍與權奸異畢竟得罪遠竄卒正言李輝辭連

德應獄初輝見吏郎李仲悅時

明廟痘患甚苦仲

悅曰

主上無嗣懷抱甚惡輝曰厥終何以知之仲

悅曰更有何地可仰乎輝作色而去仲悅言于丁熿

曰輝誤入矣兄亡弟及今古通誼只有嫡統一人更

有何議於是仲悅欲告變自免告其父潤慶曰死雖

可惜朋友豈可背乎問其叔父浚慶曰豈為朋友就

死地乎仲悅乃告輝羅湜及弟淑皆為輝所引就鞫

彥弼等啓曰觀李輝羅湜羅淑李仲悅之言則輝於

中間以任之意反復往來者也凡此凶謀皆此人助  
成命禁府輟任灌仁淑尸及輝德應于軍器寺前梟  
首三日傳尸四方絞任子興仁興義興禮金紳瑠子  
諛訥訥仁淑子希曾希顏希閔灌子光績并籍產妻  
妾幼子為奴婢兄弟叔侄緣坐光佑湜淑仲悅杖流  
未幾并李震鄭源李若海金礎賜死盧守慎成世昌  
權撥宋麟壽韓淑金振宗沈苓李炯罷元衡嘗以微  
服稱生負昏夜詣順朋芑等密議而順朋家臣朴貞  
元又畫錄功之謀順朋之論因此漸變務為深刻忠  
順堂入侍諸宰錄勲初弼保翼後改定難衛社功臣

順明芑百齡一等彥弼仁鏡彥迪撥丁玉亨申光漢  
尹浥閔齊仁金光準二等宋麒壽韓景祿尹元衡崔  
演宋世珩李文楫鄭源李潤慶慶萬年林九齡尹敦  
仁崔彥浩尹蓼安齡趙璞三等撥文楫源齡後見削  
十月右相李芑啓近者定罪自上不動聲色各適  
其當人心咸服朝士雖多坐罷者而亦有所未盡此  
臺諫未及聞見也李天啓李滉無異於金儲輩而丁  
璜亦只遠職請與彼同罷且己卯賢良科仁廟大  
漸之夕命復科時尹任三父子入侍初欲以鳳城君  
為嗣勢不得為然後傳于主上此科亦安知非任之

美術乎 上命罷其科天啓以下五人削職芑復啓  
曰更聞李滉非不知是非者也請收削奪之命蓋芑  
佐元祿力言滉之恬退不與時論故也時追錄衛社  
功臣金明胤李坎男等三十人○李珥嘗曰乙巳之  
禍足以亡國

附壁書獄事

明宗二年丁未九月副提學鄭彥慤宣傳官李櫓以  
一封書入啓曰彥慤送女至良才驛見壁間有書關  
重國事取來封進傳曰此不得志而怨上者所為也  
命招三公尹仁鏡李芑鄭順朋許磁閔齊仁尹元衡



金光準林百齡等示其書以朱書曰 女主執政於上  
奸臣弄權於下國亡可立而待豈不寒心哉仁鏡等  
回啓曰見此書非迷劣者所為也近來邪論飛騰指  
罪人為誣服斥勲臣為無功臣等欲上達而但未知  
言根故未敢今見匿名書不足取實然見此則知邪  
論之出有由當初定罪時皆從輕而不依律故邪論  
如此更以定罪之意作教書諭中外何如仍列書應  
罪人入啓鳳城君坑李若冰宋麟壽論以一罪賜死  
李彥迪鄭磁極邊安置盧守慎丁煥柳希春金鸞祥  
絕島安置權應挺權應昌鄭惟況李天啓權勿李湛

林亨秀韓澍安景祐遠方付處權撥宋希奎白仁傑  
李彥忱閔起文黃博李震李洪男金振宗尹剛元趙  
璞安世亨尹忠元安韶付處玉堂啓林亨秀為逆賊  
爪牙罰不當罪彥弼等啓曰亨秀當置重典彥慤獨  
啓曰亨秀每曰元衡可殺其與尹任同心尤可死矣  
慈殿廢之曰驛壁書行人見之者非一而爾獨未啓  
於臣子職分至當且林亨秀罪同罰異予甚恠焉賜  
死亨秀時自濟州牧罷歸在羅州本家都事至入辭  
其母只於庭下再拜而出慮其難訣也戒其子年未  
十歲者曰勿學書既而復曰不學為無識人學書勿

應舉可也請刑官曰既使自盡不必仰經寧許就經也入室穿壁使自外引繩既而入見則一枕貼壁而亨秀偃卧大笑曰平日善謔欲一戲耳既而就經一說云引藥飲揚揚若平日奴泣進安酒却曰香徒用刑亦不許安酒此何酒耶後姜暹朝京有人曰林亨秀好人爾國何為殺之鳳城崤聰明仁孝初大憲安珰大諫李冀以累登奸凶之口請置辟上荅以骨肉不可相殘至是殺之復官禮葬彥懋等爭之還叔成命麟壽之死芑等曰此亦善人但行大事不可拘小仁云生負許忠吉言於泮中曰李德應不忍杖伏

招乃虛事拿問三省交坐刑訊六次不服仁鏡等啓  
此人與金禧年一樣好為說激之行者也遂遠竄禧  
年亦遊館中托以正士習眩亂是非遠配芭順朋等  
雖殺任等猶以不如意為恨及彥慤搆禍乙巳餘人  
殆盡李珥曰丁未之禍慘於乙巳

附己酉獄事

先是李若冰仍壁書獄死其子洪男坐謫寧越其弟  
洪胤在忠州尹任壻也憤其父冤死時發冤言洪男  
嘗忿狠闖牆乃於己酉洪男在謫通書于其友壻舍  
人鄭惟吉妻兄校理元虎變略曰舍弟洪胤與術士



裴光義往來相從推占滿朝卿相吉凶其言曰廢朝  
殺人極於甲子乙丑而終有丙寅之禍今上亦何  
能久御耶其他謗訕之語不可勝記舍弟素驕傲多  
嫉於品官若有告變者門禍必至於不測欲達於朝  
則君門遠於千里且不知式例此外有善處無跡之  
策耶痛哭痛哭又有與康惟善等謀欲推戴毛山守  
之語惟吉等進其書于政院時當大鍛之後人心不  
服元衡等方欲立威鉗制及聞之大喜以按獄無據  
乃取修楔書役軍記為證左拿洪胤及辭連人杖洪  
胤十餘度自服與康惟善等謀起兵其孽弟後丁年

十六所引同謀之人尤多鞠惟善極其慘毒惟善言  
貌如常但曰白日在上寧有是哉洪胤處斬籍產餘  
皆坐死或有蚩氓之不識面目者多死云傳旨有曰  
賊臣洪胤潛結不逞之徒欲售犯上之謀乃與裴光  
義李輝崔大觀李茂丁等假妖術而卜相命之吉凶  
陰署將卒之名姓擬竊州郡之兵戈康惟善李彞李  
寅丁崔順鶴洪峴洪崙邊復禹水平崔洽崔大立崔  
大臨崔大受車獻之延百載安喜邁安喜遇安喜逢  
裴夢星李有成李遂成李福基孫守恭李後丁池七  
同池億年安世章孫守讓延瓊金義淳孫守儉茂松

守彥成毛山守呈琅以辭連并依洪胤等論傳旨又  
曰惟善以有名之人首謀倡率至作約書而推為大  
將謂寡躬幼冲可除謂毛山宗室可立衆賊同辭援  
引雖已杖斃不可不正刑夫何叛逆之徒屢出詩書  
之門忠州逆徒寔繁規畫布置至於成冊無一人上  
變人心冥頑不知有君臣大義降忠州為維新縣改  
忠清道為公洪道虎變等論賞洪男放還除職時洪  
男既害其弟欲還推籍官之物曳裹麻日來爭官庭  
維新縣監李致心惡之嚴斥之是時邑人尚告許多  
滯獄致又惻其無罪與監司李瀼平反其獄洪男以

故縱訴于芑下濯致于獄元衡必欲斃杖下兩人俱  
死獄中

附安翰林獄

仁廟初即位華使見之語館伴曰爾王大聖人不稱  
於小邦恐不久為爾主又曰三代以下恐不可多得  
這等人君云都中風俗奢靡人物浮輕言語慄悍

上化未一期此習盡革 中廟寢疾 上晝夜侍墨

容瘁形見者感涕水漿不入口者六日哀毀骨立

文定后抱 明宗伏庭終日泣曰吾母子之命懸於

大王上相對痛哭曰生不如死自是病日篤臨薨



命傳位 明宗及芑等立謀既遂錄以衛社之勲啓  
請撰武定寶鑑而知後世有公論不可掩乃訴于  
文定請覽史草即日收覽則翰林安名世修乙巳日  
記直書不避曰 王薨七日猶用不去滓豆粥者三  
日是日李芑為相樞前殺三大臣蓋指任灌仁淑也  
芑以為護逆告 文定大妃鞠于殿庭名世供曰臣  
則殘弱德應則多氣目臣以殘生臣厭其多氣不取  
及同為及第德應家設齊馬首而臣則不往以此尹  
任亦惡之絕無往來安有曲護德應之理哉見其招  
然後始知其逆賊實非知情而庇護也史記則不過

記一時之事芑亦以辭明義直欲活之顧議諸推官而業已承服遂取結案名世裂衣幅書疏言自古無殺史官事冀悟上心陳復昌叅鞫却而不受名世為人英特俊邁以朝服車載而出見者隕涕臨刑謂家人曰勿教子讀書有子千之百之皆不知一字云李之函與名世交厚握手相訣於道裂裳裹足而走權擘亦與名世尹潔友善二人俱罹乙巳禍擘擺落世事不復交遊對人無言一生如泥塑以此官亦不顯○丙辰茂長幼學安瑞順因求言極諫時弊末論柳灌等三人之寃曰 母后臨朝執狐疑之心彼五

六大臣舞出讒賊之謀欺罔天聽驟得美官人皆切齒至於宋麟壽林亨秀無罪見殺天若有知殃慶以其類至近來災變由此請行大赦拿鞫殿庭以亂言處斬籍產

黨籍竄殛諸人 乙巳丁未己酉

贊成尹任任之 左相柳灌灌之 吏判柳仁淑原

明 鳳城君屹仁宗庶弟年十九死 桂林君瑠亦賢王孫 注書

李德應 副學羅淑善源 正言李煇孟明 吏正

李仲悅 叅奉羅湜長吟亭 叅議李霖仲望 翰

林鄭源仲遠 直學李若海仲容 正郎成可澤

正言金儲學光 著作安名世景應 叅判宋麟壽

眉叟 牧使林亨秀士文錦湖少登第能文章善射藝嘗拜會寧府使併

日而食或日無數人之餐 吏正李若永喜初 大

憲具壽聃天老 儒生安瑞順已上 翰林沈苓

叅奉成遇仲盧大谷 司諫朴光佑 掌令鄭希登

元龍 縣監柳貞 修撰尹潔長源 監司李瀝景

明兄 進士康惟善元叔舟川 獻納李致可遠

已上 司諫郭珣伯瑜警齋獄死 叅贊權撥 貧

成李彥迪 翰林趙璞君售 舍人李天啓 司諫

權勿介之 叅判韓淑子淳 司成金振宗孝元



牧使鄭郁

舍人丁煥李晦游軒

已上竄卒

吏正鄭滋

敏古

松江兄

正言柳希春仁仲眉巖流鍾城時夫人

獨行萬里而從能文章有詩曰行行遂至磨天嶺東

海無涯鏡面平萬里夫人何事到三從義重一身輕

執義宋希奎天章

獻納白仁傑士偉

持平閔

起文叔道

正言金鸞祥李應

掌令李彥忱仲字

注書孫弘績彥善

持平李湛

臺侍韓澍時仲

淑弟

吏郎柳湛

杖

臺諫李震

奉教李焰孟光

直長尹忠元

正郎尹剛元景引

注書安喆君晦

進士許忠吉國善

進士金禧年

竄

縣監梁允

信 吏郎盧守慎寡悔蘓齋 縣監李首慶伯善

李滉景浩退溪 副正黃博仲約 左尹權應挺士

遇 吏叅權應昌李浚慶 叅贊宋純遂禮 承旨

李文捷子發 縣監安景祐金應貞 吏正李元祿

禮判許磁

以中悔叅  
勲遠竄

正字尹忠甲林畯

亨秀  
父

承旨李潤慶 吏判慎居寬栗而 修撰朴民獻希

正 吏正柳昌門興伯 臺諫崔益國 竄誅諸人

無以盡錄叅者原本則可詳○構禍奸人李芑文仲

領相以職吏之壻不得顯職李彥迪以為有才可破

格許通遂躋清顯後彥迪識破心術謂李天啓曰芑

為人凶險必作禍士林天啓為持平而芑作相劾逐之芑銜之嘗密啓曰彥迪其心偏隘嘗䟽論輔養

東宮東宮自安又何輔養其心不可知也東宮失

火欲推其所由出其論不正諂附世子背反先

王且主上即位乃上十餘條戒繫人主手足皆彥

迪與灌之共為也又以密旨為不正猶為錄勲彥迪

於臣有大德而臣以大義敢啓命削勲未幾與天啓

并遠竄芑嘗為庭試試官黃博為壯元芑素憚博忤

封愕然曰此文不合壯元以鄭大年為魁大年為正

言劾芑奸邪芑歎曰寧以黃博為魁芑錄罪人名點

其當死者至宋麟壽名大點之順朋曰惜哉此子愿  
慙人也芑曰鼓擇賢之說者此人不死何為語人  
曰麟壽固善人而行大事豈拘小仁比如作室修基  
址雖有好花果不得不芟麟壽賜死傳旨有親密鳳  
城語麟壽曰臣曾於闕外聞其辟除聲避入工曹門  
一度望見而已士林至今悲之芑侄元祿嘗面爭芑  
構禍士林且脫李滉於禍芑啓以心附逆賊殿刑三  
次遠配元祿以杖重不得辭別之意使其子傳于芑  
芑曰汝父真恟夫吾經十二次殿刑猶能出入○許  
磁南仲贊成少從學金安國有時望初雖與順朋等



同事而至加以叛逆魚肉士類非其本心啓灌等時  
論其以謀危宗社為罪名過重後每有伸救士林之  
言常歎曰我其為小人也多稱病避事錄勲時七度  
辭其并錄子弟由是功臣子弟不得錄惟順朋之子  
礪得叅芑以此不快芑欲以親信醫官裴千齡為典  
醫久任使錄事請于磁磁時帶典醫提調磁怒梓錄  
事曰汝非政廳執筆吏安敢如此竟不從芑愈怒會  
閔齊仁悔其發啓伸救士林得罪謫公州衣食不給  
磁除其弟齊英唐津倅芑嗾大憲陳復昌劾逆黨罪  
及除齊英二日之內四移配所芑欲加罪請賜死詣

闕暴死得免踰年磁死玉堂劄論無罪 上亦悔悟  
致祭給牒先是陳復昌為司諫磁論以生地寒微賦  
性奸回元衡亦劾磁降勲當庭鞫士類也 梓宮在  
殯而磁等為推官與林百齡相笑謔尹任妓妾曾奸  
百齡者在囚中磁戲謂百齡曰欲全此人送于令公  
聞者切齒○尹元衡彥平領相為人險毒 仁廟東  
宮時與弟元老讒間兩宮元老尤為邪毒 仁廟即  
位廷議欲先撲殺元老後 上聞李浚慶止之遠竄  
宋麟壽怒責浚慶未幾元老召還元衡等德之置浚  
慶正卿殺麟壽及 大妃還政不得行其志凡有所

欲上不曲從大妃怒曰汝之為君吾與吾兄之力也上有淚容時元老與元衡爭權且憤不得與勲多發怨言以大妃比驪姬仁廟為愚暗元衡使其族侄春年為兵曹佐郎者䟽論其罪惡兩司繼論賜死乙巳後宴功臣于闕庭傳于芑萼曰尹元衡有莫大之功他無可酬之事其良妻子女許通為嫡可也芑萼逢迎以為祖宗朝有大功者許通妻子女有前例陞其蘭貞為貞敬夫人元衡議通庶孽仕路金繼輝劄論不可事遂已元衡長銓時有人納繭屢百斤求補叅奉元衡臨政疲睡郎官問以何人首

擬元衡和睡荅曰高傲高傲者繭之俗稱也及受拜  
廣求高傲不得有一遐鄉寒士名高傲者以其人拜  
之元衡不敢辨其真假及敗有人僞其宅見反糊紙  
有白粒三百石大艦一隻并納云元衡差一武人北  
道權管武人之任送箭筒元衡怒曰我不學射焉用  
箭投之樓上後武人歸謁元衡怒目視之武人曰前  
呈箭筒未曾覽否元衡疑之命婢取來鑰匙纔開韶  
皮湧出上觸于樑散于座前元衡驚喜即除饒邑  
文定薨平日惡元衡者并起攻之大憲李鐸大諫朴  
淳等啓元衡專擅欺罔敢以妾女議婚 中廟之孫



德興君之子當 文定大漸時遣其妾弼令內醫妄  
施雜藥綴豪悍之奴掠人妻奪人財至於殺人而屍  
親不敢發公議鼎沸 上命放歸田里元衡既出門  
外婢僕皆散只有老奚二三及蘭貞歸海西常以鵠  
酒自隨尋碧蹄驛吏曾所識者謂曰如有拿命須為  
我先通一日驛吏誤聞金吾郎有向海西者急報是  
夕元衡飲鵠死春年附元衡為吏判為人輕薄自信  
其學自謂曉音律又曰見人短篇知其賢否壽夭貴  
賤每曰金時習東方孔子僧普雨自稱悟道見春年  
大賞之曰普雨因禪學悟心其妄誕類此門無雜賓

時邀山人休靜就草堂為山水談有若出塵之想但  
居官稍廉不喜酒色元衡敗貶歸故鄉熱中飲冷而  
死○妖僧普雨性譎邪信任出入因緣欺惑居處僭  
擬大內自稱僧王扁其居曰三聖殿令其徒祝曰王  
師普雨壽千秋以良家二少女著男服為沙彌大張  
佛法朝家設禪科講製賜牌略倣文科大臣三司館  
學逾年廷爭不允又設無遮大會於揚州檜巖寺所  
供彈竭國力八道僧俗奔趨填咽時四月七日也八  
日乃佛祖揆度日將以是日行事粉米數千斛作飯  
其色赤如血染衆恠之文宣大妃以七日薨僧俗

驚惶潰散至是廷臣又爭之流濟州牧使邊協使普  
雨備客舍洒掃之役日令有力者四十各加一棒以  
為常雨終斃棒下士林書賀協曰非我也國人殺之  
方設無遮會也四方白足雲委雨高坐雲錦帳裡有  
一老僧弊衲百結顏色枯槁扶錫杖未至雨趨拜伏  
地不敢仰視左右微睇雨雙眦流淚匍匐久不起老  
僧平立以錫杖叩地曰噫噫吾不料爾至此不交一  
言而去雨索然不歡者屢日詢其道號智行云○林  
百齡仁順戶判為人邪毒少時不治經偶中初試夢  
老人曰汝當為一世偉人宜改名為槐馬講時當出

某章及覺欲改名惡其無理因作別號熟講某章如  
老人言及講果出某章應誦無礙一考官曰此必槐  
馬也昨夢白頭翁曰今榜槐馬乃一世偉人也百齡  
對以別號其發身所行如彼小人之生亦關時運耶  
仁廟昇遐柳灌泣曰失此不世之主將來國事何  
以為之百齡磬折執灌帶鉤曰大監密意小人願聽  
灌失色曰是何言也百齡退而厲聲曰先王一子  
尚在何足憂灌之意必有所在灌之死百齡之構居  
多百齡與元衡自十年前密議構獄安世遇申秀涇  
尹敦仁崔彥浩鄭礪及礪妹壻寶城君萬年百齡弟



九齡乘時恣橫殺戮士類殲最凶著庶人服奔走宰相家贊成其事九齡當中學一會入廳下竊聽先通於芑等錄勲○鄭順朋耳齡左相以己卯人與芑等戮士林其將往忠順堂也子磻勸早赴曰不欲後芑等而汝兄礪涕泣諫不忍拒也磻曰大人何不用石磻之道以順朋讀書之人以磻才藝無一疵謫而圖富貴至此乎柳仁淑奴婢賜順朋諸奴掩泣一婢名玉連者曰何事非主無憾容順朋信之置左右順朋一日夢有鬼壓其頭呼號而覺成痼疾不起巫言妖在枕中發枕果得一顱骨疑玉連將訊之連不受一

杖自首曰老漢殺吾舊主吾腐心有年為是潛奸陪  
吏吏怕不肯吾殆媚之遂與眷密令覓死人骨納枕  
中今已報吾主之仇宜速殺我即撲殺之礪嘗言其  
父曰玉連妖惡宜黜之連臨死曰畏北窓不敢行術  
死後始為之云白仁傑下獄時礪告順朋曰若殺仁  
傑得罪萬世順朋之入忠順堂權撥迎謂曰令公亦  
何以來順朋色沮語人曰任輩即日當了而吾聞某  
言汗背不敢言歇後李文仲處事不猛以致屢日紛  
擾云○鄭彥慤謹甫時芑等屠戮士類意猶未已使  
人貼謗書於良才驛指為乙巳餘人所為或云彥慤

自為之彥慤為京畿監司落馬一脚掛鎧不脫馬且  
奔且踢頭顱及骨節破碎而死或云其馬乃林亨秀  
所騎而彥慤取之及是踢殺便歸亨秀舊田家而立  
彥慤家人追殺之○金明胤晦伯賛成賢良科罷後  
更登第惟以扶身為急托附權奸及李樛用事又奴  
顏父事圖躋崇班至賜几杖搖尾攀附極呈醜態時  
人目為侍養子有父少子老之譏○陳復昌遂初大  
司憲門地卑賤其父義孫以錄事為縣監其母屢經  
人歸義孫人尤賤之復昌能文善書巧黠自銜如具  
壽映輩亦為其所瞞延譽汲引為元衡鷹犬屢起大

獄目為毒蛇壽聃亦為其所陷而死後元衡亦厭之  
竄三水而死先是南袞為試官取一試券力言能文  
圻封乃黃憲而鄉生無名袞欲實明鑑極力吹噓驟  
進華要年未五十拜相貌白皙天性險詖恨乙巳在  
喪不得叅勲自矜曾劾安老力圖追錄又於賓廳會  
議加罪黨人 文定以過重不聽又倡佐理之說元  
衡惡之嗾復昌假以緩治李洪胤之罪命削勲放歸  
復昌初呈疏泣語同僚曰劾權臣必獲罪俄而 御  
札褒之曰為國忘身優於朱雲汲黯茲賜衣樹銀杯  
蓋元衡已達 大妃而復昌從其頤指佯為倖直之



態如見肺腑也同時有李無彊締結復昌濟惡復昌

為副提學園弘文錄大語會中必薦景休

無彊字

竟不

叅焉坐中爾我相推曰誰不圈也聞者笑之無彊嘗  
為北道御史州官有周急乙巳謫人者摘而罪之復  
昌敗無彊謫慶源守令相戒曰此人乃前日罪周救  
謫客者無顧見者人以為反爾之報李浚慶嘗為無  
彊被劾後以巡邊使到慶源郵卒指一矮屋曰無彊  
所舍浚慶厚遺食物或哂其以德報怨浚慶曰非欲  
施惠見其窮困故矜恤云○李洪男自號汲古文章  
標世其餘綾原尉具思顏吏判宋世珩獻叔贊成崔

輔漢彥卿崔彥浩之徒無以盡編而克塽有孫爾瞻  
鄭造以彥慤為祖為惡亦以世類耶然順朋家產北  
窓古玉李若冰有悖子洪男大違瓜生瓜之物理也  
○亂乘曰凶人為惡雖至親不能保安老之用事也  
其子褫涕泣極諫而終不聽元衡陷其弟元老芭陷  
其侄元祿鄭礪諫順明而弟礪圖害之元老之子百  
源圖復父讎附於李樛而謀元衡白惟咸乘己丑之  
變陷其從兄惟讓及侄振民興民陰凶肆毒前後一  
律

伸冤顛末

明廟冲年嗣服政在 東朝權奸竊命乙巳之獄非  
上所知也順懷世子薨 上哀痛殊甚既而歎曰  
我何哭為乙巳忠賢無罪駢戮予在君位不能救止  
其能有後乎又嘗曰得謚為明足矣時清議復發欲  
雪乙巳之冤金明胤啓曰乙巳餘黨多有冤枉請伸  
雪及曹植李恒之被召也明胤阿附善類以為此輩  
可合臺侍其寵斷之術老而益巧士林憤疾至是削  
職而公議以猶保首領為未快白仁傑見明胤曰公  
是千億化身人也世以為的論乙丑十二月 上召  
大臣等分輕重疏釋乙巳以後被謫人大臣請自

上親斷於是盧守慎金鸞祥柳希春韓洙李震尹剛  
元并量移柳湛李元祿併放還白仁傑李堪閔起文  
黃博尹忠元宋希奎并職牒還給未幾 上不豫領  
相李浚慶入請繼嗣 天語已不可辨 中宮教曰

上曾見河城君曰真人已出吾兒宜死 上意在

此浚慶遂令扈衛 宣廟邸 上不知也疾間浚慶

告之 上不悅曰予病豈至死而預為此事閔箕抽

大學衍義定國本章而進之 上諦視久之乃曰首

相能以身殉國矣丁卯 上大漸已不能言浚慶入

寢殿受顧命召注書尹卓然一云黃書之浚慶大聲



呼德興君第三子河城君卓然書參字迎入時希望  
扈衛功者奔走塞路李志剛後至呼曰小人來矣注  
書黃大受曰開國承家小人勿用姑退聞者快之先  
是上名諸王子命寫字或書小詩宣廟最幼獨  
書君親雖不同忠孝無二致上大奇之又以翼蟬  
冠令以次冠之宣廟獨奉冠進曰非人臣所戴也  
上益異之宣祖元年大臣以冬雷辭職大妃  
教曰大臣何辜過在君上無辜被罪者皆疏放大臣  
以乙巳以來被羅織者抄錄以啓遂復宋麟壽職牒  
人心大悅命盧守慎柳奮春金鸞祥柳堪李元祿等

復官庚午命雪丁未己酉罪人連累籍沒之家削李  
芑鄭彥懋官惟李洪胤不赦洪男削職而死臺諫大  
臣等伏閣累疏始削鄭順朋林百齡官三公率百官  
廷立請削偽勲伸雪冤死之人時恭懿大妃不豫  
上命八道疏放大妃請于上欲還給柳灌柳  
仁淑尹任及瑠職牒上重之問于大臣權輒等皆  
依違不盡言只命給灌仁淑職牒大妃嫌此心熱  
益重而宮人多有乙巳功臣族黨怨大妃欲削勲  
每於上前白以大妃病不至劇一日上問安  
後進見曰削勲先朝至重之事不敢擅改故不能

從外廷之請 大妃連呼不敢曰國家大事何可為  
未亾人輕改乎 上退未及階 大妃發聲大哭


上聞之取席坐于階下謂老宮人曰吾在家食祿足  
以安過一生不幸至此遭難處之事也幾墮淚 大  
妃疾劇歎息曰吾地下未能免罪名也言已手足皆  
冷 上即進見 中殿亦對泣 上白曰當削勲矣  
大妃色喜目隨而瞑 上退後脉復生遣人謝曰  
上恩因極不知所報翌日 大妃薨於是盡復尹任  
等官削勲教文畧曰尹元衡以猘獠之性致鬼域之  
謀芭與百齡迭為心腹磁及順朋互成羽翼欲加罪

而難其名首倡不自安三字旅聚謀而為之辭終陷  
大無道重典柳灌柳仁淑顧命元老帷幄名卿咸守  
正而不撓以異已而就戮璫亦何辜任之近屬只欲  
亡命偷生詎望視死如歸誘德應而免死俾誣其服  
教毛獐而謊告遂以為證至於鳳城君之罹禍亦由  
金明胤之搆捏雖謀計極其巧密而黨類自相矛盾  
許磁歎鬼神之難誣仍致投荒齊仁悔小人之難免  
竟被奪勲鄭礪爭其父順朋而仍憂成疾元祿諫其  
叔李芑而遂怒坐擠上使大提學金貴榮撰教文  
貴榮辭拙而意不章上曰此國家莫大之事當辭



正義備以曉喻可也豈可草草如此乎乃使李後白  
改製人皆嗤貴榮之少意思也宋麒壽以特進官詣  
經筵其子應澁以玉堂應澗以注書同入侍講畢語  
及乙巳事麒壽泣陳其冤狀悲動左右金誠一素剛  
直敢言以正言入侍進曰麒壽在乙巳間附麗權奸  
至錄偽勲享富貴二十餘年及今聖明在上公論  
大行乃以悲辭指陳其冤欲竊公論之名真小人情  
狀也麒壽皇恐而退三父子一時引疾聞者縮頸誠  
一辭氣自如○元衡京中有大家十餘服御擬於大  
內及歸田百姓聚街罵詈至欲射殺逃往交河又移

江陰前妻金氏家欲呈治蘭貞毒殺金氏之罪蘭貞  
飲藥死









冊

卷之四

四

四